



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search


Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

A 477864

DUPL

0.7
17









I M A G O
INCLYTÆ
IN TRANSSYLVANIA
NATIONIS SICVLICÆ
HISTORICO-POLITICA.

EX
PROBATISSIMIS HISTORIIS,

ET CVM PRIMIS
LEGIBVS PATRIIS,

ATQVE
COMITIORVM DECRETIS,

SIVE
ARTICVLIS DIAETALIBVS,
ADVMBRATA.

JOZSEF AVCTORE
JOSEPHO BENKÖ,
SOCIETATIS SCIENTIARVM BATAVO-HARLEMEN.

SIS MEMBRO.

— *Eduardus Lapeyrie*

CIBINII & CLAVDIOPOLI,

Typis Martini Hochmeister Dicast. Typogr. &
Bibliop. Privil. Anno 1791.

DB

136.7

.B47

Die 5. Maj 1791 Claudiopoli, Imprimatur.

C. JOANN. NEP. ESTERHAZY mpr.

64.3684-020

CONSPECTVS

OPVSCVLI.

~~CA~~ ~~RECA~~ ~~MS~~

CAPVT I.

Pag.

De Ortu, Nomine, & Progressu Sicularum.

1

CAPVT II.

De Distinctione eorum in Primores, Primipilos, Pixidarios &c.

41

CAPVT III.

De Muniis ac Obligationibus Sicularum.

53

CA.

C A P V T. IV.

**De Juribus, Immunitatibus, atque
Privilegiis eorundem.**

64



IMAGO



I M A G O
NATIONIS SICVLICÆ.



C A P V T I.
DE ORTV, NOMINE, & PRO-
GRESSV SICVLORVM.

§. I.

Transilvaniam equidem a compluri-
bus diversæ originis Gentibus inhabita-
ri, Orbi Erudito sic satis notum est: ex iis ta-
men nonnisi Tres sunt Nationes quæ jure
Civitatis gaudent nempe Hungarica & Si-
culica Originariæ ac hæreditariæ, nec non
Saxonica ab antiquo legetenus inter Sta-
tus recepta. Ceteri vero Populi, qui una
cum ipsis majore vel minore numero Pro-
vinciam incolunt, *advenarum* solummodo in-
dolem ac rationem habent, & *Nationum Te-
leratarum* nomine veniunt.

1. Extranei, sive publicis Comitiorum votis,
sive jure uxorio, in numerum Patriæ Nobi-
lium.

2 CAP. I. DE ORTV, NOMINE &

Hum, titulo *Indigenarum* relati; uti etiam Personæ Nationum Toleratarum, ex ignobili statu aliquando exemptæ, *Nobilitatis Hungariæ* prærogativa, qua non est prorsus deterior *Siculorum*, gaudere apud Transilvanos censentur.

2. *Nationes Toleratas*, uti sunt *Valachi*, *Armeni*, &c. dico pro *Advenis* reputari, sensu *Isidori*, post Christum natum a. 620. Episcopi Hispalensis, Historique & Grammatici latini, qui differe inter *Inquilinum* ac *Advenam* docet, dum scribit: *Inquilini enim sunt, qui emigrant, & non perpetuo permanent. Advenæ autem incolæ adventitii perhibentur, sed permanentes.* Ex his enim apud Transilvanos Nationibus, aut *jure civico*, sive prærogativa Liberorum Oppidorum, gaudent, uti *Armeni*; atque adeo Provinciam haud deserunt: aut *subditi* sunt, vel Imperanti, vel Dominis Directis (*Terrestribus*), ut *Valachi*, exceptis paucissimis; proptereaque illi, ceu vernæ, potestate ex Patria emigrandi destituuntur.

§ II.

Has inter Inclitas *Tres Nationes Transilvanicas*, politico licet ordine *Siculica* secunda sit; utpote, in publicis provinciarum tabulis, inter *Hungaricam*, quæ prima,

ma, & *Saxonicam*, quæ tertia est, a multis seculis collocata: antiquitate nihilominus utrasque profecto centenis aliquot annis, ab hæreditaria sua in finibus Transilvanicis possessione atque habitatione, plurimum vincit.

Saxones etenim, Germanicæ propiæ Natio, circa annum nati Salvatoris 1142, e Saxonia maximam partem, sed & Flandria, ac, ut autumare licet, aliis quoque regionibus, a Geyza II., Hungariæ Rege, in Transilvaniam sunt evocati & admissi, atque jure Civitatis donati.

Hungari vero Transilvani, ejusdem cum Hungariam colentibus originis, anno 862, aut paulo post, e Scythia asiatica in Daciam, hoc est, Moldaviam, Transilvaniamque, & harum viciniam adpulerunt; ac post sumtam hic quietem in Hungariam anno 889 pedes promoverunt. Sed

Siculi, vera Hunnorum Attilanorum progenies, ab anno circiter 376,

A quo

4 CAP. I. DE ORTV, NOMINE, &

quo eorum Majores Transilvaniam, adjacentesque regiones, suæ armorum jure potestati subjecerant, avita his in oris possessione, multo per tot secula sanguine retenta, potiuntur.

1. De *Saxonum*, tempore Geyzæ II., qui ab anno 1141, ad 1160, fasces Regni Hungariæ tenuit, in Transilvaniam adventu, atque conditione. plenum perhibet testimonium, *radicale Nationis Privilegium Andreanum*, ab Andrea II. Rege Hungariæ, a. 1224. ipsis indultum, ac nonnullis etiam Historiis patriis insertum.

2. *Hungarorum* similiter & *Hunnotum*, atque adeo *Siculorum* etiam, in Transilvaniam & conterminas plagas circa dicta tempora ingressum, præter Scriptores Byzantinos, non obscure testantur cunctorum ferme Regnorum Europæorum Annales; luculentius vero Historici domestici: sed luculentissime ac copiosissime horum etiam omnium, ex evolutis innumerorum Auctorum voluminibus, Doctissimus *Georgius Pray*, in *Annalibus veterum Hunnotum, & Hungarorum*, item *Dissertationibus Historico-Criticis*; utut de Siculorum origine Viro oculatissimo a vero, ut inferius commonstrabitur, vehementer aberrare contigerit.

3. Fuz-

3. Fundamenti loco omnibus iis, quæ in sequentibus dicentur, multo facilius intelligendis, inserviet, si præoccupando connotabimus, ternos consangvineorum Hunnici generis Populorum ad has oras adventus, scilicet, *Hunorum*, *Avarum*, ac *Hungarorum*. Sic itaque

a. Hunni, Japheti posterì, quos Caucasum montem accoluisse, indeque multis itineribus Mæotin versus progressos, Historicorum oracula testificantur, circa annum 376, in *Daciam* pervenerunt, eamque subjugarunt; hinc paulo post ulterius ad occidentem progressi, *Jazygiam* subegerunt; & demum a. 378 potiore *Pannonia* partem occuparunt. Ex his tandem oris varia atque cruenta bella pluribus Europæ regionibus, occasum ac meridiem versus sitis, inferentes, diversis earundem terrarum populis per integrum prope seculum dominati sunt: donec, videlicet, defuncto Attila, Duce eorum famosissimo, & filiis ejus ob imperium inter se dissidentibus, fracti intestinis tumultibus Hunni, e cædibus superstitibus, editione ejecti atque repulsi sunt; paucis eorum, quorum posterì sunt *Siculi* hodierni, in Transilvania remanentibus. Hunni hi apud Scriptores nominantur etiam *Chuni*, *Urgi* & *Ugri*; immo auctore Evagrio, Lib. 3. cap. 2. olim *Masagetae* quoque dicti fuerint.

CAP. I. DE ORTV, NOMINE, &

rint. Nomen vero *Hunnorum*, quorum idiomate multa lingvæ hebrææ vestigia deprehenduntur, non inepte Philippus Melancthon ab hebraico *Chanab* sive *Hana*, quod castra metari, item in difixis domiciliis vel tentoriis habitare, significat, deducere nobis videtur: quod Hunni, in possessis successive locis, fixis laribus probabiliter usi fuerint; quum plerique alii Scythiæ habitatores, stabilibus sine sedibus, fugientibus similes, curribus & carris de loco in locum circummiverint. Et profecto *Hon* sive *Honn* hodieque lingua hungarica *domi*, hinc item *Honnos* (a quo non procul *Hunnus* abest) *domi se retinentem*, ex his denique *Hannya*, *habitationem* significat.

b. Avars, Hunni similiter genere, secunda vice ex Asia septentrionali ad has oras delati sunt. Scilicet, hi ad extremum ultra Volgam fluvium agentes, a vicinis pressi incolis, circa medium seculi VI^{ti} Europæ adpropinquarunt, & cum reliquiis Hunnorum ex Europa depulsis (not. b.), ceu tribulibus suis, in unam gentem coaluerunt. Deinde anno 553 sub Duce suo *Chagano*, foedus perpetuum cum rege Longobardorum *Alboino*, bellum adversus *Cunimundum*, Gepidarum regem, gerente pepigerunt, & ex eo, devictis Gepidis, Dacia potiti sunt. Postea vero, evocatis a. 566 ex Pannonia
in

PROGRESSV SICVLORVM.

in Italiam a *Narfeto* Longobardis, Pannoniæ quoque potioris possessionem a. 568, ex percusso foedere, adepti sunt. Has itaque terras, sub gentilibus suis Principibus, potenter tenuerunt, usque annum 803, quo a Carolo Magno victi sunt in Pannonia, & Regibus Galliaë subditi, quoad Hungari ex Asia boreali advenientes, & Avarum fratrum societatem ineuntes, a. 889 jugum gallicum excusserunt. Annales eruditissimi *Desericii*, de Avaribus, magno cum fructu legi possunt. Quod demum adtinet ad *Avares* nomen, id quod hunc populum a proprii regis adpellatione obtinuisse putat *Diaconus* de Gest. Longob. Lib. I. c. 27, probabilius a munimentis suis in Hungaria structis, quæ patrio sermone *Város* & cum articulo a' *Város* dicebant, a Germanici vero sanguinis hominibus *Rbingi* sive *Ringi* (a *Ring*), hoc est, circuli vocabantur, adepti fuerint. De his sepimentis jucundum est audire *Clariss. Joannem Severini, Commentationis Historicae de veteribus Incolis Hungariae* cis (nobis ultra --) *Danubianae* cap. 6. sequenti modo scribentem: „ *Monacho S. Galli & Aventi-*
 „ *no* scriptoribus: Terra Avarum novem
 „ circulis (*Hringis* vel *Ringis*) cingebatur,
 „ tutandi causa factis. Ambitu suo 30 cir-
 „ citer milliaria occupaverat *Ringus*. Se-
 „ ptus erat aggere militari, seu fossa. Por-
 „ ro crebri stipites, truncique ablegni, quer-

„ni, fagini in terra deſſi erant. His item
 „contrarii, jungebantur e regione vicenum
 „pédum intervallo; id ubi aut ſalicibus
 „conſtratum limove completum erat, ce-
 „ſpitibus integris contegebatur. Latitudo
 „itaque hujusmodi ſepimenti (Rhingi)
 „extendebatur 20. pedibus, totidem alti-
 „tudo eminebat. Obſeri ſolebat utrinque
 „hoc genus valli ſalicibus, ulmis, popu-
 „lis aliisque, quæ putatæ propagine ſar-
 „ciunt locum ſeneſcentium. Portas habe-
 „bant perangultas. Intra hoſce aggeres,
 „ita vici & villæ erant locatæ, ut de ali-
 „is ad alias vox humana poſſet exaudi-
 „ri. „ Conf. *Pray Annal. Avar.* p. 279. 280.

c. Hungari, Græcis Scriptoribus *Turci*
 ſæpe dicti, Hunnici itidem ſanguinis popu-
 lus, tertia vice e Scythia Aſiatica, perplu-
 rimarum gentium matre, ſeptem, ut credi-
 tur, Ducum ſigna ſequuti, a. 862 in Mol-
 daviâ & Tranſilvaniam noſtram adpu-
 lerunt, eodemque anno *Arpadum* ſupremum
 Ducem elegerunt. Sumta in Dacia quiete,
 a. 889 ad Tibiſcum ac Danubium pervene-
 runt, unde bellicæ fortitudinis & formidi-
 nis fama totam mox Europam impleverunt
Svatoplucum devicerunt, &c. ſicque cum fi-
 ne ſæculi noni, ſe in Hungaria penitus ſta-
 biliverunt. Has in res, præter *Thuroczi-*
 um,

PROGRESSV SICVLORVM.

um, Bonfinium, Timonem, Prayum, &c. vid. laudati *Severini* Comment. Hist. Cap. 8. Vnde vero nomen *Hungarus*, lingua vernacula *Magyar*, & plura alia Hunnis Hungarisque, adtributa fuerint, nunc non disquirimus. Légi autem de hoc argumento possunt lusus etymologici, quos habet *Otrókocsius* in *Originibus Hungaricis*, item *Beham* in *Notitia Hungaria*, aliique passim.

Hoc tamen unum monemus, mirum non esse, *Hunos* æque ac *Auares*, *Hungaros*que, diversarum Nationum idiomate diversissime fuisse nominatos: quum hodierno etiam more idem eveniat; sic, e gr. qui latine loquentibus *Germanus*, nec non *Teuto* & *Alemanus* vocatur, idem Hungaris *Nemet*, Gallis *Allemand*, Judæis *Aschenazi* (ab *Aschenaz*, nepote Japheti, Gen. X. 3.), Valachis *Niámtz*, propria vero sua lingua *Deutsch* sive *Teutsch* nuncupatur.

§ III.

Prout igitur rei totius de Sicularum origine seriem e probatissimis Scriptoribus discimus, *prima vice* (§ II. not. 3 a); Hunni Septemtrionales, a Tataris pressi, e Scythia Asiatica Europæ pedetentim adpropinquantes, Volgamque flu-

10 CAP. I. DE ORTV NOMINE &

vium transmittentes, victis, domitis, ac demum in armorum societatem admisis Alanis, fedes eorum, quæ a Volga ad Tanaim porrigebantur, infederunt: ubi aliquamdiu morati, quum in tantum essent aucti numerum, qui in sterili illa regione commode consistere minus posset; conscripto decies centum & octoginta millium exercitu, Duce Balambere ex Familia *Káddr*, Tanaim a. 374 superarunt. Hinc per orientales Europæ fines progressi, in *Daciam* quæ *Moldaviam*, *Valachiamque*, *Transilvaniam* item, & *Hungariam* usque Tibiscum complectebatur, a. 376 irruerunt; eamque totam, devictis, non tamen deletis, prisca incolis *Gothis* ac *Gepidis*, quorum sub nomine ac potestate minores etiam, uti erant *Daci*, *Getae*, *Romanique* rustici, velabantur Nationes, cum in modum ditioni suæ subjecerunt, ut cum memoratis habitatoribus, sibi deinde servientibus, una colendam possiderent, magna nihilominus parte Gothorum ultra Danubium, cum Ducibus seu Regulis suis, *Phritigerno* & *Alarico*, pulsa.

Ulterius

Ulterius tandem his ex oris Hunni
 pedem ac arma promoventes, *Jazygum*
Sarmatarum five *Metanastarum*, Sclavici
 generis populi, terram, Tibiscum inter
 & Danubium sitam, a. 377 subegerunt:
 ubi temporariam quidem sibi habitatio-
 nem fecerunt, sed Sclavos, tributo alio-
 quin subjectos, sedibus suis non ejece-
 runt. Neque sic quieti, hoc eodem vel
 subsequente anno, trajecto Danubio,
 Pannonia quoque, *diversarum gentium diver-*
sorio, cui dictum flumen a borea & ori-
 ente limites ponit, potiuntur; ibique,
 postquam Gothis in Thracia conjuncti
 adversus Romanos, ab his victi a. 379
 fuerant, bellum præcipuum, ad urbem
 Potentianam, primam in Panonia Ro-
 manorum Coloniam, non procul forte
 Buda disitam, a. 380. tanto impetu
 committunt, ut ex Hunnis 125000 Ro-
 manis autem 210000 cecidisse perhibean-
 tur. Hunni præinde, conferto hoc &
 minoribus præliis, positaque interim in
 Dacia sede habitationis, dominatu item
 in Jazygia & Pannonia stabilito, rei a-
 grariæ ac pecuariæ sese addicere, dili-
 gentius occeperunt, & Rempublicam in-
 stituerunt.

12 CAP. I. De ORTY, NOMINE, &

1. Bálambere a. 387 vita functo, sequentes successerunt *Duces*, regia potestate pollentes, atque ideo *Reges* etiam *Hunno-*
rum a Scriptoribus adpellati.

2. Charaton, usque annum circiter 400.

3. Uldinus, alias *Uldin*, *Haldin*, & *Uldes*, quem Stilico adversus Radagaisum in Italiam acciverat, a. 411.

4. Bendegucz, five *Bendegucz*, Græcis *Mundzuchus*, Filius Bálamberis, qui a. 426 magnam Hunnorum manum, duce *Rugila* (*Rua*, *Roila*) ad obsidendam Constantinopolim, contra Theodosium mittit: ubi coorta tempestate, *Rugilas* fulmine tangitur; maxima vero Hunnorum pars peste subsecuta consumitur.

5. Octar five Uptar, & Ruas, fratres Bendeguzi, eidem a. 428 successere; sed a. 431 Octare mortuo, tota imperii moles in Ruam recidit.

6. Ethele Hunnis; Latinis, Græcisque Auctoribus *Atila*, *Atilla*, & *Attila*,

tila cum fratre germano *Buda* five *Bleda*, Bendeguzi filii, a. 434 regni possessionem adierunt: quorum *Attila*, qui a. 445 fratrem *Budam* peremit, quanta cum suis Hunnis, & adscitis sæpe ad arma Gepidis, reliquisque populis subjugatis, in oriente ac occidente bella gesserit, quantumque grassatus fuerit, peregrinus in Historia ignoraverit. Illo a. 454 mortuo, tres ejus filii superstites fauces imperii Hunnici obtinuerunt, videlicet, ætatis ordine:

7. *Ellak*, vivo patre *Acatirorum* Rex ad Pontum Euxinum; *Dengizics*, aliis *Densics*, & *Irnach*, quorum seorsim regnandi libidine ac dissidio in occasionem arrepto, gentes, quæ *Attilæ* paruerant, jugum Hunnicum excusserunt. *Ardaricus*, Gepidarum Rex, primus fuit, qui, cæso in Pannonia *Ellako*, triginta circiter Hunnorum millia peremit, Daciamque & Iazygiam Gepidarum possessioni subjecit. Tum Gothi quoque Pannonia potiti sunt. Post *Ellakum* *Dengizics* Hunnis præfuit, qui a. 455 cum Gothis ad *Sirmium*, anno vero 457 cum Romanis

manis infelicia bella gessit. Anno denique 469 *Dengizich* ipse, collectis Hunnis superstitibus, qui a Gothis victi circa Danubii ostia perstitierant, duxit adversus Gothos, extremam fortunam periclitaturus: sed victi ad Balsianam, Pannoniæ Civitatem, inglorii pulsi sunt, cumque per Thraciam pars eorum maxima Pontum versus rediret, in *Anagastum*, militiæ Præfectum inciderunt; a quo *Dengizich* cæsus est, caputque ejus (teste Marcellino) Constantinopolim ablatum. Sic finem imperio Hunnorum fecit funestissimum.

1. Quoniam nunc de iis agimus Hunnis, Siculis scilicet, quorum Majores nullo unquam tempore armis atque fama magis clauere, quam sub Attila; æquum sane videtur, præcipua quædam de famigeratissimo hocce Duce hic loci subnectere. Ut igitur ab habitu corporis ordiamur, eum Jornandes sequentem in modum describit: *forma ei etas brevis, lato pectore, capite grandiori, minutis oculis, varus barba, canis aspersus, sinno naso, teter colore.* Sed facile fides abrogari Jornandi potest, utpote, qui ob clades Gothorum, Popularium suorum, ab Hunnis acceptas, illis vehementer inensus, mul-

multa adfinxit. Eum nihilominus, uti gentem quoque suam, horridiuscula fuisse specie, non est, cur inficiemur. Admittamus vero verba ejusdem Jornandis, qui de indole magni Attilæ, sequentia loquitur: *Erat namque superbus incessu, hac atque illac circumferens oculos, ut elati potentia ipso quoque motu corporis appareret additur porro: bellorum quidem amator, sed ipse manu temperans, consilio validissimus, supplicantibus exorabilis propitius in fide semel receptos.*

2. Horrendus autem Rex Attila fuit, & horrendissimi Hunni, quaquaversum bella circumtulerunt. Germaniam, Galliam, Italiamque, & plurimas Europæ regiones ferro ac flamma vastarunt, Occidentis æque ac Orientis Imperatores tributarios sibi fecerunt, &c. Fuit autem prælium Attilæ anceps ac omnium cruentissimum in campo urbis *Catalauni* apud Gallos, cum Aetio, Romanarum Legionum Magistro, an. 451 commissum, in quo 180 pugnatorum circiter millia utrinque desiderabantur; a parte quidem Attilæ non Hunni omnes, sed etiam multi adsumtorum ad commilitium Gepidarum, et conmixtorum aliorum populorum. Relicto Catalauno (*Gallis Chalon sur Marne*), plurima incendii instar loca permearunt, totque gentium onusti spoliis ad sua redierunt. Hoc reditu, S. *Ursulam*,

fulam, & ingentem cum ea Virginum multitudinem, quæ metu Attilæ, *Coloniæ* Agrippinæ refugium quærebant, trucidarunt: unde *undecim millium Virginum Martyrum* ad diem 21 Oct. in Fastis memoria. Anno autem 452 Attila ipse, reparatis copiis, majore, quam antea, exercitu in Italiam movit; ubi *Aquilejam*, *Mediolanum*, *Ticinum*, aliasque Urbes concussit: *Ravennatibus* tamen pepercit, & *Romanis*, Leone Pontifice Maximo cum placante, clementem se præbuit, nec Urbem attigit. Hæc severitas Attilæ *Venetiarum* Civitatem opulentissimam fundasse perhibetur: adcolis videlicet, ob metum Attilæ, navibus oneratis ad insulam *rius altus* dictam profugientibus, & Civitatem condentibus. *Thuroczi Chron. Hung.* p. 1. c. 19.

3. Sic igitur Attila bonam regni sui partem peregre in castris transegit. Dum vero ipsi quieto esse licuit, sat magnifice in splendido suo palatio habitabat. Hac de re testis oculatus, *Priscus Rhetor*, qui una cum Maximino, Orator, a Theodosio II. Imperatore orientali ad ipsum Attilam a. 449 missus fuerat, hunc in sensum scribit: *ad vicum, in quo rex Attila morabatur, accessimus: vicum, inquam, ad instar civitatis amplissimæ, in quo lignea maenia ex tabulis nitentibus fabrica-*

bricata reperimus, quarum compago ita solidum mentiebatur, ut vix ab intento posset junctura tabularum comprehendi; videres triclinia ambitu prolixiore distenta, porticusque in omni decore dispositos. Area vero curtis ingenti ambitu cingebatur, ut amplitudo ipsa regiam aulam ostenderet. Hæc Jornandes ex laudato Prisco. Sed Bonfinius splendidiore adhuc ædes istas putavit.

4. Qua autem regione, & quo vico, Attilæ regia steterit? difficile est definire. *Samuel Timon*, Scriptor diligentissimus, in *Imagie Antiquæ Hungariæ*, Lib. II. Cap. V. quod de *gestis Attilæ* lectu est dignissimum, e *Prisci Excerptis* curate consideratis, existimat, cum *Car. Cantoclavo*, eam prorsus non ad *Jaszberény* Hungariæ ultra Tibiscum, (ut putavit *Otrokotsius* in *Originibus*), sed in *illo Moldaviæ tractu*, qui lapidibus silvisque caret, sitam fuisse. A qua ejus opinione non longe discedunt veteres apud Siculos traditiones, ipsarumque rerum vestigia, quibus in vicinos Valachiæ Transalpinæ fines; ad reperiendas ædes Attilanas ducimur. Scilicet, ad meridionales terræ Siculorum fines, a terreno pagi Réty, Sedis Sepsi, *Tsere-Domb* nominato, incipit fossa arte facta & *Hon árka* (vulgo *Hon árka*) adpëllata, transitque per silvestrem tractum pagi

Magyarós (ubi eadem fossa *Tsűsz. árka* vocatur), & alpestres silvas aditui (*passui*) Bozzensi adjacentes, in ipsam Valachiam Transalpinam, quæ hodie *Havasalfölde* nobis, sed antiquius & rectius *Havasfel-földe* & *Havas-elve*, id est *Havas eleje* audiebat; cuius quidem fossæ propagines non modo per tractum Siculorum Vdvarhelyensem, sed etiam per oras Hungariæ superioris, qua versus Tokaj & ultra itur, exstare traduntur: de hac adeoque fossa, Vir Ecclesiasticus, *Matthias Nagy*, Archidiaconus de Udvarhely & Parochus Zetelakenfis, in suis *Notationibus de origine Siculorum* manuscriptis, ac mihi paucisque visis, quas a. 1505 exiguis pagellis concinnaverat, clariis verbis refert, ductam eam fuisse ex *Valachia Transalpina*, a sede habitationis *Atila*, per Alpes ad nos, hinc per *Transilvaniam* & *Hungariam*; hunc in finem, ut linea istâ & adpositis vigiliis, tutus, certus ac expeditus meatus & remeatus ad universam gentem (*Hun- norum*) illis in oris habitantem, veluti via du- cibur, pateret, commerciumque hinc & inde ne- cessarium procederet. Hæc ille; quibus vo- camur, ut credamus, habitationem *Attilæ* primò regni sui tempore fuisse in *Transalpina*, non longe a loco, quem *Timon* erudite in *Moldavia* quæritabat. Ad no- men fossæ hujus quod attinet; *Hon*, *Hun- num* (§. II. not. 3. a.), *Tsűsz* vero, quod hodie

hodie custodem pecoris in Hungaria valet, vigiles publicos denotasse videntur. Memini me legisse apud Spectabilem *Stephanum Antos* de Réty, Vice Judicem Regium Sedis Siculicalis Sepsi, quasdam observationes de vestigiis ejusdem fossæ in Hungariæ Comitatu Hontensi & viciniis, ubi similiter *Hon drka* nominata fuerit. Gratum Nationi Siculorum faceret, siquis Eruditorum illius regionis vestigia fossæ indagaret, & si quæ forte reperirentur, scripto manifestaret.

5. Veterum porro traditionibus docemur, quibus Matthias Nagy etiam conformia notat, Attilam ex Valachia habitationem suam in hodiernam Siculorum terram transfuisse, ac ad majorem Küküllö fluvium locasse, unde in hunc diem locus ille *Udvarhely* (Oppidum nempe *Székely-Udvarhely*) id est *Curia* locus vocaretur, juxtaque hunc mons quidam *Bud-Vára*, hoc est *Buda orx*, de fratre Attilæ, & pagus *Kadics-falva* de nomine ductoris *Kadicba* five *Kadicsa*, apud Historicos nostros non ignoti. Sed demum hinc etiam Residentiam Attilæ emotam ac in campestem Hungariæ oram, quæ Tibiscum inter ac Danubium jacet, depositam, ab eaque non longe dissitum fratris Budæ ad

ripam Danubii habitaculum, ubi Urbs Buda Hungariæ regia conspicitur, e citatis monumentis discimus.

6. Injucundum jam haud erit, de *victu* quoque & *amictu* Attilæ pauca loqui. Vestitu, suos inter Hunnos, quorum plerique linteis, cannabinisque & pelliceis operiebantur indumentis, splendido non utebatur; sed teste prisco, ex panno unius generis, simplici ac vulgari; quum ceteri Hunnorum Primates versicoloribus delectarentur.

7. Ejus vero modum epulandi laudatus sæpe Priscus, Cantoclaro in latinum ex græco vertente, his verbis celebrat: „Reverfis „nobis in tentorium, ecce ad nos Orestis „pater, vos ambos, inquit, ad convivi- „um invitat Attilas, fiet vero illud circa „nonam diei. Tempore condicto observa- „to, ut venimus, & una quoque Roma- „norum occidentalium legati, stetimus in „limine cænaculi coram Attila. Hic pin- „cernæ, ut mos est in illis regionibus, ca- „licem tradiderunt, ut & nos vota facere- „mus. Quo facto calicem degustantes ad „ipsa solia venimus, in quibus sedentes „cænare oportebat. Ad parietes autem „cubiculi præparata erant omnia sedilia, „ab utraque parte disposita: in medio vero
sede.

„ sedebat Attilas in lecto ; e cujus regione
 „ erat & alter lectus, pene quem erant
 „ quidam gradus, qui ad ejus cubile fere-
 „ bant, linteis candidis, & variis tapeti-
 „ bus venustatis, & ornatus gratia conte-
 „ ctum, simile cubilibus, quæ Romani, &
 „ Græci nubentibus adornare pro more ha-
 „ bent. Tum convivarum primum ordi-
 „ nem ad Attilæ dextram sedere constitue-
 „ runt, secundum ad lævam : in quo nos
 „ & Berichus, vir apud Scythas nobilis,
 „ sed Berichus superiore loco. Nam One-
 „ gesius in cathedra ad dextram regii tho-
 „ ri, & e regione Onegessii duo ex Attilæ
 „ Filiis. Senior enim in eodem, quo pater
 „ throno non prope, sed multum infra ac-
 „ cumbat, oculis præ pudore, propter
 „ patris præsentiam, semper in terram con-
 „ jectis. Omnibus ordine sedentibus, qui
 „ Attilæ erat a poculis, ingrediens pateram
 „ vini tradit. Hanc ubi quis suscepit, eum
 „ qui ordine prior erat, salutavit; saluta-
 „ tione honoratus surrexit, neque prius eum
 „ sedere fas erat, quam merum degustans,
 „ aut etiam ebibens, poculum pocillatori
 „ redderet. Unicuique & verè unus pocil-
 „ lator aderat, quem, pincerna Attilæ exe-
 „ unte, introire suo ordine oportuit. Post-
 „ quam vero Attilas secundum a se, & re-
 „ liquos deinceps honore affecisset, nos eti-

„ am paribus poculis dextra juncta hono-
 „ ravit ex Thracum instituto. Tum, ubi
 „ omnes salutatione honorati fuissent a Re-
 „ ge, pincernæ recesserunt. Mensæ vero
 „ juxta Attilæ mensam erant erectæ, exci-
 „ piendis tribus, & quatuor, aut etiam plu-
 „ ribus convivis idoneæ, quorum unusquis-
 „ que poterat, minime transgressis sedium
 „ ordinibus, in disco ex ferculis, quod si-
 „ bi libitum erat, desumere. Et primum
 „ in medium accessit Attilæ minister di-
 „ scum plenum carnibus ferens: post ipsum
 „ qui reliquis omnibus ministrabant, pa-
 „ nem & opsonia mensis apposuerunt. Sed
 „ ceteris quidem barbaris, & nobis cæna
 „ vario eduliorum genere referta, & instru-
 „ cta præparata, & in discis argenteis ap-
 „ posita: Attilæ vero in quadra lignea, &
 „ nihil præter carnes. Moderatum pariter,
 „ & in omnibus reliquis sese præbuit. Con-
 „ vivis aurea, & argentea pocula, quibus
 „ bibebant, suppeditabantur; Attilæ vero
 „ poculum erat ligneum. Ut opsonia pri-
 „ morum ferculorum fuere consumpta, o-
 „ mnes surreximus, neque prius quisquam
 „ nostrum ad suam sedem est reversus,
 „ quam sibi traditam pateram, vini plenam
 „ servato, quem supra diximus, ritu, At-
 „ tilam saluum, & incolumem precatus ebi-
 „ biset. Eo ad hunc modum honore cul-
 „ to sedimus. Tum nova fercula cuique
 „ mensæ

„mensæ sunt illata, quæ alia continebant
 „esculenta: ex quibus ubi omnes, quoad
 „satis esset, comedisent, modo, quo su-
 „pra, in pedes erecti, ebibito calice, con-
 „sedimus. Adveniente vespere sublatis e-
 „pulis duo viri Scythæ coram Attila pro-
 „dierunt, & versus a se factos quibus e-
 „jus victorias, & bellicas virtutes cane-
 „bant, recitarunt. Et alii quidem versibus
 „delectabantur, aliis manabant lachrymæ,
 „quorum ætas affecta reddiderat corpus
 „effæctum & imbecillum; ex quo eorum
 „pugnandi ardor, & cupiditas quiescere
 „cogebatur. Post cantus, & carmina Scy-
 „tha, nescio quis, mente captus absurda
 „& prodigiola, nec sani sensus quicquam
 „habentia resonans, & deblaterans risum
 „omnibus commovit. Zerchon Marusius
 „introivit &c. Itaque tunc arrepta festivi-
 „tatis occasione progressus & forma, &
 „habitu, & pronunciatione, & verbis con-
 „fuso ab eo prolatis, modo Ausoniorum,
 „modo Hunnorum, modo Gothorum lin-
 „gvam intermiscens, omnes lætitia, & hi-
 „laritate diffudit, effecitque, ut in risum,
 „qui sedari, & extingvi non poterat, pro-
 „rumperent, excepto Attila. Attilas enim
 „vultu omnis mutationis expers, & immo-
 „tus permanfit; neque quidquam facere,
 „quod jocum præ se ferret, conspectus est,
 „præterquam quod juniorem ex filiis in-

„trocentem, & adventantem, nomine Ir-
 „nas, placidis, & latis oculis est intuitus
 „& cum gena traxit. — — — Ut vero in
 „convivio noctem protraxerunt, frequen-
 „tes eximas, nolentes in computatione per-
 „manere.”

3. Postquam sic satis suaviter cum Attila coe-
 navimus, iusta ad extremum funeri ejus
 solvamus. Scilicet, Attila multorum vastator
 regnorum & innumerarum everfor civi-
 tatum, dum a 454 nuptias, post obitum
 conjugis Recæ (quam, in transmigratione
 ex Valachia mortuam, in silva prolixa ter-
 ræ Siculicæ, cui a *Recs* seu *Rets* nomen
Rits adhaeserit, sepelivisse traditur), cum
Mildegunda Herici Francorum Regis filia
 celebraret, ipsa nuptiarum nocte, copioso
 e naribus sanguine in fauces exundante,
 quinquagenario vix major, domesticæ licet
 propemodum omnes ad 124 annos ætatem
 ejus perducant, suffocatur, relictis tribus
 filiis supra memoratis. *Chads* enim & *Ala-*
dér quos ei filios nonnulli Historici adscri-
 bunt, commentitia sunt nomina; & quid
 quid Annales de *Chaba* consignarunt, ac-
 ciptendum est de *Dengizissio*, quem *Chabam*
 (quod nomen stolidum apud nos notat)
 Hunni nominaverint, propter imprudentem
 cum Romanis & Gothis conflictum, quo
 Hunni victi, ac ipse *Dengizics* casus fuit.
- Voca

Vocamen vero *Aladari* ex *Ardarici* Gepidarum Regis nomine, abjectis pro more Hungarorum posterioribus syllabis, natum esse, nulla vi concluderimus. Titulus denique Attilæ, ut Thuroczius (alii paulo aliter) habet: *Attila filius Bendegucz: nepos magni-Nemroth: nutritus in Engadi: Dei gratia Rex Hunnorum, Mederum, Gothorum, Danorum, metus orbis & flagellum Dei.* Est indocti cerebri figmentum. Cui plura de Attila placebunt, consulat *M. Rudolphi Roth* Ulmenfis, *Attilam Hunnorum Regem* a. 1679. forma quarta Jenæ evulgatum, cujus in fronte duo quoque Nummi antiquissimi, ipsius Attilæ effigiem repræsentantes conspiciuntur, ac *Edvardi Gibbon* Angli vitam *Attila* a. 1787 Luneburgi versione germanica (*das Leben des Attila*) forma 8va editam: quibus in Opusculis alii quoque Auctores de eodem Attila commemorantur. His, propter raritatem Domesticam adnecti potest poëticus liber Hungaricus, cui titulus est: *Az régi Magyaroknak első bé jóvásekről való Historia. Atillával miképpen telepettenek le Scambriában [sic], És mely nagy vérontással férkeztettek bé Pannoniába.* Ad Notam: *Árpád való ső az Capitánságba. Nyomtatot Colosvárot Heltaj Gáspárné műhelyébe. 1.5.7.9.* Quem, forma 4ta excusum, & 22 folia habentem in Bibliotheca selectissima Aucto-

rum Hungaricorum Excellentissimæ Dominae S. R. I. Comitissæ Samuele Telekianæ (*Tit. Tit.*) magno cum oblectamento aliquot ab hinc annis in Sâremerk evolve-
ram.

§. IV.

Post prælia (§. III.) commemorata, pars Hunnorum e clade superstitum in Thracia, Mœsia & Illyrico ad castrum Martenam, pars in *Scythia minore* seu *europæa* juxta Pontum Euxinum sita, cum *Irnacho* confedit; pars vero trans paludem Mæotidem, unde iidem Hunni in Europam primum immigraverant, rediit; pars denique, cujus Posterii sunt *Siculi*, in ea Transilvaniæ regione permansit, quam hodiernum in diem Terræ Siculicæ nomine Inclyta Natio peculiari jure possidet. Et hanc Siculorum originem non modo sinceriores Annales patrii, una cum traditionibus Majorum, diserte tradunt; sed codex quoque Legum, *Decreti Tripartiti* nomine insignitus, quem Reges Regnumque Hungariæ, ac Principatus Transilvaniæ, jurata fide observare obligantur manifestissime probat;

bat; dum Partis tertiæ Titulo quarto, inquit: *Sunt præterea Transilvanis in partibus Scituli Nobiles privilegiati ab Scythico populo in primo eorum ingressu in Pannoniam propagati, quos nos corrupto quodam vocabulo Siciuos appellamus, dissimili penitus lege & consuetudine gaudentes, rerum bellicarum expertissimi, qui per Tribus & Generationes, atque Lineas Generationum (antiquorum more) hereditates ac officia inter sese partuntur & dividunt.*

1. Hunc Siculorum ortum Historiæ Hungariæ parens, *Magister Johannes Thwrocz* (quem communiter *Thwoczium* scribimus) *Chronica Hungarorum* part. 1. cap. 24. his verbis tradit: „Hos etiam præter Hunnos, „qui Chabam comitati sunt, tria millia virorum eadem de natione prælio de prædicto per fugæ præsidium erepti, in Pannonia remansisse; & quam primum in campo Cziglamezew *Cziglamezd* hodierna scriptione; quod tamen detortum forte est e *Czepléd mezö*) vocato, sibi sedem fecisse; tandem occidentales nationes, quibus vivente Attila infesti erant, metuentes, ad Erdevvelwe, (lege *Erdövelwe*, hoc est, *Erdö eleje*, unde *Erdély* formatum est) confinia videlicet Pannonicæ regionis,

„gionis se transtulisse, & non Hunnos sive
 „Hungaros; sed, ne illorum agnoscerentur
 „esse residui, Siculos, ipsorum autem vo-
 „cabulo Zekel (*Székely*,) se denominasse
 „perhibentur. Hi Siculi, Hunnorum pri-
 „ma fronte in Pannoniam intrantium, eti-
 „am hac nostra tempestate residui esse du-
 „bitantur per neminem cum in ipsorum
 „generatione extraneo nondum permixta
 „sangvine, & in moribus severiores, & in
 „divisione agri cæteris Hungaris multum
 „differre videntur.

Nicolaus Olabus quoque, in suo *Atila*,
 sequentem in modum describit: „Post pu-
 „gnam in agro Sicambrico commissam,
 „præter exercitum Chabæ, qui in Græci-
 „am erat profectus, tria millia Hunnorum
 „cædem elapsa in campo Czegléd, ubi
 „nunc oppidum est ejus nominis, consede-
 „re. Hi metuentes Detrici & aliorum Ger-
 „manorum potentiam, in eam Daciæ par-
 „tem quæ nostra hac tempestate Transyl-
 „vania, sive Septem castra (a septem
 „Ducibus Hunnicis, qui in secundo ingres-
 „su Hunnorum in Pannoniam, castra sua
 „eo loci fixerant) denominantur, celeri
 „itinere appulere. Qui ut facilius persvade-
 „rent se non esse Hunnorum reliquias,
 „mutato agnomine Hunnico, se Siculos
 „denominarunt. Hic populus etiam nunc
 „a no-

„ a nostris putantur vetustiores esse Hunno-
 „ rum, qui in Hungaria remanserint. Sunt
 „ in eum hi aucti jam numerum; ut dum
 „ bellum eis ingruat, facile ad quinqu-
 „ ginta & amplius armatorum hominum
 „ millia conscribere, in campumque edu-
 „ cere possint. Gravatum patiantur suam
 „ familiam, domumque, externæ nationis
 „ misceri connubio: moribus, ritibus ac le-
 „ gibus aliorum Hungarorum sunt longe dis-
 „ similes.

2. Hos Auctores sequuntur reliqui, quorum sententias popularibus nostris abunde notas, recitare supervacaneum esse arbitror. Sed hanc Siculorum originem in dubium vocare seculo nostro sunt ausi, magni alioquin & immortalis nominis, sed Nationem Siculicam ejusque Privilegia intime certe non noscentes Historici; quorum agmen *Samuel Timon* ducit: eam cum primis ob rationem, quod landati proxime *Thurosius*, *Pistorius*, alique, ad exiguum numerum, tria nempe millia, Hunnos illos redigant; quos Siculorum Parentes adserunt; ut proinde ii, finitimis Gentibus infensi & exosi, in medio Gepidarum, Gothorum, &c. interque incurfiones variarum Gentium, in statione permanere nequiverint. Nova igitur incunabula Siculis fingunt; & *Franciscus Fafching* quidem, ex *Jasis* (hung. *Jászok*) Hunga-

30 CAP. I. DE ORTV, NOMINE, &

riæ, qui etiam Philistæi vocabantur, ortos persuadere conatur, suæ *Veteris Daciæ* pag. 79. in hæc verba scribens: *Probabilis Seculo Dominico Christi Decimo Tertio, quo Tartari Transsilvaniam septennio, & Hungariam triennio ferme afflixerunt & prope deleverunt, iis excedentibus a Bela IV. ex Yassis seu Philistæis — — ad custodiendos limites, eo translato fuisse; quoniam vero in maximis periculis durarunt in Dacia, magnas immunitates — — merito obtinuerunt.* Georgius Pray vero, vir longe Clarissimus, Siculos, veros Paczinacitas ortu suo plane persuasum habet; ipsos autem Paczinacitas genuinos Cumanos esse extra dubitationem locat, & post discesum Tatarorum bonam Cumanorum partem ex Hungaria in Transsilvaniam abisse, ex iisque propagatos Siculos esse pro vero simili scribit.

3. a. Verum enimvero hanc eorum sententiam a veritate esse alienam, tam Historicorum monumenta, quam Diplomata, antiquissima evincunt luculentissime. Quid vero hanc in rem pluribus? Recitatum siquidem *Decretum Werbőczianum* vox & sententia est universi Regni Hungarici, ejusdemque Regum Apostolicorum; quod non e cerebro ille cussit, sed e visis procul dubio, Tabularii Regni monumentis, quibus carere nequivit, conspectoque
Natio-

Nationis Siculicæ systemate politico, publica auctoritate concinavit: istud vero dilerte admodum commonstrat, Siculos, Nobiles illos in universum privilegiatos; ab Hunnis, prima in has oras vice ingressis, esse propagatos. Turbator ergo Legis, Regis & Regni, atque contemtor Privilegiorum Regionum, sit oportet, qui posthabitis eorum oraculis, sincerisque Historicorum domesticorum testimoniis, spuria Siculis incunabula fabricaverit.

b. Verum est, quod si quispiam communem versionem loci Decretalis hungaricam consulat, nihil inde petere testimonii poterit; hæc enim verba: *ab Scythico populo in primæ eorum ingressu in Pannoniam propagati*; sequentibus insigni cum errore exprimit: *kik a' magyaroktól azután származtak hogy Scitbiából Magyar Országban Pannoniában bé jöttek*; quæ non plus significant, quam Siculos ab Hungaris, postquam hi e Scythiâ in Hungariam advenerunt, ortos fuisse.

c. Quod dum monuimus, in gratiam Lectorum curiosorum, libet antiquam etiam totius loci illius Werböcziani versionem (quam primus omnium *Blasius Veres*, pro prelo Debreczinenfi adornaverat, ac deinde *Caspar Heltai* Claudiopoli interpolaverat, typisque suis 1571 in 4to evulgaverat,) puerilem

32 CAP. I. DE ORTV, NOMINE, &

rilem quidem eam, sed de origine Siculorum priore adcuratiorem, ex editione Hel-tana, huc adscribere; quæ, nulla mutata litera, hisce legitur verbis: „SZÉKEL-
„LYEC, kiáltképpen való Nemessék, Sci-
„tiabéli népről. Az ő első Pannoniába bé
„iöüésekben támadtac, vagy nemzettec,
„Mindeneftől fogva külemb töruénne-
„és szockásnac örülnec: Hadi dologba
„bölczec: kic örökséget és tisztet nemzet-
„ségre, és nemzetségnec ágazatira, régi
„szockásoc szerént olznac kölztec.

4. In contrarium equidem quæstio haud mi-nima hic suboritur: Num Siculi, si non tribus millibus numerosiores illi, e reliqui-is Hunnorum profligatorum, in Transil-vaniam se receperint, centum fere annos, donec scilicet anno 553 Avars, Hunno-rum nostrorum five Siculorum gentiles, ex Asia in Daciam adpulerunt, hac in regio-ne, tanquam medio hostium, perseverare potuerint?

Pondus Quæstioni addit, quod *Gothi*, cum primisque *Gepidæ*, quos omnes, Hun-ni Balamberiani seu Attilani dicti, suæ sub-jecerant potestati; post debellatos Hunnos, his in oris longe lateque dominabantur, uti conjicere licet insensu eorum populari-bus,

bus, Siculis videlicet nostris, erant. Quo igitur modo, iidem Siculi, hac in regione, hostilia inter odia, parva manu perdurare quiverint?

Respondemus: Non constat quidem sed res creditu non est difficilis Hunno Siculos, plures vel pauciores fuerint, in qualemcunque Gepidarum, sibi viciniorum, potestatem concessisse potius, quam migrationis & duorum itinerum erroribus periclitari: atque ita, cur non potuissent tria Siculorum millia in Dacia nostra more deditio permanere? id quod vel decem personis, immo uni etiam, permitti mirum non erat. Sed porro, per *tria illa millia*, illi solum exprimi poterant, qui armipotentes censebantur, & qui quintam Gentis suæ partem, uti credere fas est, non excedebant; ut adeo universim 15000 plus minus fuisse probabile æquis iudicibus censeantur. Conf. §. V. *not.* 1.

§ V.

Hunc igitur in modum Natio Siculorum sedem habitationis suæ fixit in orientali Transilvaniæ parte, quæ ad fontes celebrium fluviorum Marusii, Alutæ, binorum Küküllö, minorumque proten-

C

ditur,

ditur, & adversus hostium incurfiones montibus ac filvis multa ex parte munitur. Et quoniam Hunnorum exercitus, ulterius hinc in Pannoniam, ceterasque Europæ regiones arma illaturus, ac bella gessurus, hic suos imbelles, puta, senes, valetudinarios, infirmos, pueros, multamque sequioris sexus partem, armenta item & reculas, in stationem five quiescentia quasi castra, armatis quoque cohortibus firmata, pro tutiori permanfione, post fata saltem famosissimi Attilæ collocaverat: hæc propterea regio vocabatur iis *Szék hely*, id est, *Sedis locus*, five *sedes habitationis, permanfionis, statio*; quum lingua vernacula *Szék* sedem, *hely* autem locum valeat. Ex his igitur voculis, conjunctim sumtis ac suffixo *i*. auctis, Hunnus tam quietem, quam excubias agens, dictus fuerit *Székhelyi*, hoc est *de sedis loco* existens, ac postmodum, ut fit sexcentis in vocibus, omiffis *b* & *i*, *Székely*; e quo demum latinum *Siculus*, quod integrius *Székelius* diceretur, germanicum *Zeckel*, & Valachicum *Szekuj*, quæ ejusdem sunt significationis; item *Siculia*, quod vocabulum Siculorum Terram (*Székel*)

kely-föld: notat, enata sunt; vocamine *Humi* in hoc Populo penitus celsante.

1. Iis, quæ hoc Spho posita sunt, considerata, *trium millium* Sicularum (§. IV. not. 4) qui bello pulsi redierant, summa quantum capit incrementi, conicere licet. Quis enim credat, omnes infirmos ac immaturos in Scythiam rediisse?

2. Auctor *Dacia Sioulia* pag. 3. a Jugoriæ monte *Sickely Ranzanus* e *Sicilia*, etymon vocabuli *Székely*, una cum ipsa Gente, arcesunt fabulose. *Andreas Hufsti* autem *Jurisprudentia Hungarico Transilvanica* Tit. XI. §. 110. a regione *Tschik*, consveta scriptione *Csik* & *Tsik*, adpellari Siculum comminiscitur. Alii vero hanc vocem depravant nimium, uti *Hornius*, cui in Arca Noe *Skekilius*, *Ortelio Zaikel*, nonnullis *Cikulus* exprimitur. Nomen vero latinum *Siculus* est antiquissimum, quod videlicet jam anno. 1224 in Audreano Saxonum Privilegio (§ IV. not. 5.) scribebatur, immo etiam multo antea, ad annum 1096, fit mentio *Sicularum*, in Historia Episcopatus *Milkovienfis* Extraneis *Scythuli* quoque sæpe nominantur.

§ VI.

Taliter constituta Siculorum Respublica, sub gentilibus suis Ductoribus ac Prætoribus perstitit incolumis, usque ad annum 553, quo *secunda vice* (§. II. not. 3 b.) e Scythia Hunnici generis Populus, *Avares* scilicet, sive *Hunno Avares*, origine & lingua ipsorum Siculorum fratres, sub suo *Kagano*, Duce, in Daciam provenientes, Gepidasque victos imperio suo subicientes, eadem Dacia, ac subinde etiam Pannonia, potiti fuissent. Hi, Kagano 578 mortuo, Pannoniam Daciæque partes coluerunt sub Ducibus Gentis suæ, ad annum 803, quo eos Carolus Magnus Gallis subjugavit, ac demum sub finem seculi noni, qui superstites ex iis manserant, Hungaris ex Asia boreali erumpentibus sese adsociantes, jugum gallicum excusserunt. Interea igitur cum Avaribus, quoad hi favente usi fuere fortuna, Siculi consanguinei armatam coluerunt societatem, vicinorum populorum, si quo antea premebantur, metu soluti.

1. Hi Auares, quorum duces sive Reges communi sat diu nomine *Chagani* adpellabantur, (quorumque præcipui, *Kurs*, *Iringus*, *Jugurro*, *Theodo*, sive *Tudó* (*Tudunus*, & alter *Tudunus*, memorantur,) Slavici generis hominibus omnium numerosissime in Dacia & Pannoniis imperitalse convixisseque leguntur. Horum cum posteris Hungaros quoque (§. VII) demum egisse perhumaniter, (verba sunt Celeberrimi *Severini*) patet, cum eos initio statim belli socios facerent, tum civitate impertirentur (*Anonym.* *Belæ Regis* c. 33. 34.) Hinc proficiscitur, ut ad nostram memoriam Slavi, aucti tandem Sigismundo & Elisabetha imperantibus, Bohemorum Moravorumque accessione, borealem Hungariæ partem, clivis perpetuisque montium jugis obnoxiam incolant. Sclavis his ex priore syllaba *Gothi* nomen *Tot* potius, quam ex *Teutone*, apud Hungaros adhæsisse existimamus, adsentiente *Lud. Tubero* L. 1. §. 6.

2. Nec Auares, nec deinde Hungari advenientes, suos hos fratres, Prosapiam nempe Siculicam, quæ eis & quieti hospitaliter, & auxilio viriliter fuit, vel oppresserunt, vel immunitatibus coarctarunt. De Siculis vero patrii referunt annales, quod dum illi Hungaros ad has oras e Scythia tendere

nunciis accepissent, habito delectu, eis in Rutheniam, quæ & Roxania fuit nominata, pulcro agmine obviam processerint.

§ VII.

Postquam demum *tertia vice*, (§ II. *not.* 3. c.) Hunnici similiter Gens sanguininis, Inclyta videlicet *Hungarorum Natio*, ad capita 210000 circiter numerata, circa annum 862 in Daciam adpulit, hicque *Blacos* (quos jam *Valachos* vocamus) & horum commilitones fregit; ac sub finem ejusdem seculi, devicto *Svato-
topluc*o Sclavorum Rege, Hungariam quoque infedit; suis & Hungaria seorsim, suis etiam Transilvania Ducibus parvare, usque ad sanctum Stephanum, primum Hungarorum Regem sub quo, anno 1002 tempore Gyulæ Ducis Transilvaniæ, avunculi sui, odio Religionis Christianæ armis sibi repugnante, Transilvania Coronæ Hungaricæ adnexa fuit. Sic adeoque Natio etiam Siculorum, Ducibus antea Transilvaniæ confederata, Regis Apostolici, & successorum se submitit imperio. A morte vero Ioannis Zápolya, Transilvanis ab Hunga-

Hungaria recedentibus, Siculi quoque eosdem habuerunt Comites, quos tota Transilvania post fata Ioannis Sigismundi Principes venerata fuit.

1. Idem ergo S. Stephanus, dum Hungariam ac Transilvaniam in certos distribueret Comitatus, terram Sicularum universam, communem videlicet illam totius Nationis *Sedem* (§. V.), in *Sedes* minores jam antea ab ipsis certo dispartitam, pro uno Comitatu reliquit. Hinc est, quod Præfecti, qui nomine atque vice Regum, Supremum apud hanc Gentem Magistratum gesserunt, *Comites Sicularum* adpellarentur.

2. De his P. Joannes Szegedi, in *Tripartito Juris Ungarici Tyrocinio*, Part. 3. Tit. 4. §. 3. „Quem, (*scribit*) Reges Ungariæ Vajvodam Transilvaniæ; eundem etiam semper „creabant, *Comitem Sicularum*. „ Hanc etiam habet Sententiam Nicolaus Otobus, Cujus *Attile* suæ Capite ultimo hæc sunt verba: „Parent (*Siculi*) post Regem, nemini, quam Vajvodæ Transilvano; quem Rex Comitem eorum, dum huic Vajvodatui confert, aut mutat præfecturam, semper creat. „ Sed hoc aliter se habet; fuerunt enim non pauci Vajvodarum, qui *Comitum* Supremorum Comitatus *Szolnok* Interioris

40 CAP. I. DE ORTV, NOMINE, &

munere functi sunt; iisque temporibus Siculis Comites peculiare, diversos a Vajvodis præfuisse, vel ex eorum catalogo probari potest. Nec minorem idem Doctissimus Szegedi committit errorem, quum, paucis interjectis, adserit, Siculos *tributum Turcis, instar Transilvanorum* [Hungarorum] & Saxonum, pendere coactos: uti infra §. XXXI. apparebit. Sed neque *singuli* Siculorum boves *singulos* Regibus dare obligabantur, ut idem Vir eruditissimus citati *Titulo* §pho 2 putavit: verum bovem sextum, adeoque tanto numero animalia ista non habentes, ambo tresque unum *conf.* §. XX.

Post ultimum Patrium Principem Michaellem Apafi Augusti, Successores Austriaci Comites Siculorum salutati dimidio Seculo haud sunt; verum hic titulus sub Aug. Leopoldo I. ad Regium Gubernatorem Transylvaniae, Comitem *Georgium Bauffi* transferat: sed postmodum Magna Princeps MARIA THERESIA Clementer assumere dignata est in *Resolutionibus, Deputationi Transilvanica* 20. Julii a. 1742 datis, quarum Puncto 4to ratione Siculorum exarato, hæc ad verbum legimus. „Demissæ Instantiæ Nationis ejus-
„dem (*Siculica*) quatenus Titulum *Siculorum Comitis*, quo alii Transylvaniae
„Principes, ac etiam Rex Poloniae Stephanus Bãthori, olim usi sunt, inter reliquos
„Titu.

„Titulos nostros assumere dignaremur; be.
 „nigne annuimus, eundemque Titulum in
 „Transilvanicis Expeditionibus, in serie
 „Titulorum nostrorum, suo loco inferen-
 „dum indulgemus.

C A P V T II.

DE SICVLORVM DISTINCTIONE

I N

PRIMORES, PRIMIPLOS, PYXIDARIOS.&c.

§. VIII.

Sicuti nulla unquam fuit, nec alio-
 quin subsistere salutariter potuisset, Res-
 publica, in qua Cives omnes æquali po-
 testate & auctoritate convixissent; sed
 & qui præessent, & qui subessent, cor-
 pus Reipublicæ formare atque constitue-
 re debuerint: ita Siculi etiam, omnes li-
 cet & singuli de plena Lege Nobiles (§
 IV.,) ab antiquis temporibus, in *Tres*
Ordines, five *Genera*, videlicet, *Primores*,
Primipilos & *Pixidarios* distincti, indeque
Trium Generum Siculi in publicis æque In-
 strumentis, ac communi Nationis Sigillo
 antiquissimo scripti sunt.

42. CAP. II. DE SICVLOR. DISTINCTIONE

1. Hujusmodi distinctionem Sicularum in tres Classes, esse perantiquam, præter usum nondum in ipsa Natione penitus obsoletum, publicæque auctoritatis documenta, præsertim vero *Legem Consuetudinariam* Nationis a. 1555 in formam codicis redactam, & Decreta Comititalia anni 1562. d. 20. Junii; testantur solide *Commissarii* Ferdinandi I. Hungariæ Regis, qui a. 1552 investigandis Proventibus Regiis in Transilvaniam missi, peruestigatis etiam rebus Sicularum, sequentem de iis perscribunt Relationem: *Siculi in commune omnes sunt Nobiles, & ab omnibus contributionibus exempti; sed distributi tamen in tres Ordines, quorum qui præcipui sunt, vocantur Nobiles, qui quasi Baronum Patriciorum loco habentur; alii vocantur lingua eorum Lófö Székelyek, ipsi latine Primipilos vocant; qui quasi Equestris sunt Ordinis; reliqui sunt seu Plebei, omnes tamen, ut dictum Nobiles.*

2. Quamvis vero primis fundatæ in Transilvania Reipublicæ Siculicæ temporibus, trifaria hæc distinctio vix audita legatur; quum *Lóbfü* sive *Lófsü*, *Giabrlag* seu *Gyalog*, id est, *Equestris* ac *Pedestris* tantum Generis memoria in vetustissimis omnium monumentis supersit: si non tamen nomine tenus, re ipsa profecto tres viguisse Ordines, elicere ex eò facile est, quod qui duabus

istis

istis Classibus præfuerunt regendis rebusque gravioribus gerendis, ac judiciis incubuerunt, illi saltem officio & auctoritate distincti, tertium constituere Ordinem, qui subsequutis temporibus *Primorum* appellatorem induerunt.

§ IX.

1. *Primores*, qui nonnunquam *Potiores* etiam, hungarice vero *Fő Népek*, & *Elsők*, ac ab anno 1571, haud raro *Fő-Nemesek*, id est, *Primarii Nobiles*, item *Nemesi Rend*, nominantur, ceteris fuerunt hæreditatibus & opibus valentiores, eorumque de numero ad Officia Militaria *Generales*, *Capitanei*, *Ductores*, & *Vexilliferi*, ac ad Provincialia *Judices Regii*, *Judices Sedis*, & aliquot *Adseßores* seu *Jurati Sedium* deligebantur.

2. Vernaculo nomine vocabantur olim *Judices Regii Király Birák*, *Judices Sedis Szék-Birák*, *Adseßores Székülök*. Hodierno filo, per *Judices Regios*, citra omnem dubitationem, *Supremi Judices Regii*, per *Sedis Judices* autem *Vice Judices Regii* (quorum nomen a. 1594 2. Febr. in Comitibus Albenfibus natum videtur) intelliguntur.

44 CAP. II. DE SICVLOR. DISTINCTIONE

2. Aevo nostro in classe *Primorum* censentur,
1. Nationis hujus Magnates, hoc est *Comites* ac *Barones*.
 2. *Nobiles Immunes* tributorum, qui recentiore loquendi modo *Nobiles Equestris Ordinis* nuncupari amant. *Hos* inter & *Primipilos* medii quasi censentur *Nobiles Armalifæ*, qui videlicet per Literas (ita dictas) *Armales* Nobilitatem prærogativæ adepti quidem sunt, & *Nobilibus Vniuersæ Sessionis* Hungarorum Transilvanorum æquiparantur; ab anno tamen 1711. (vid. infra §. XXXI. not. 5.) tributo obnoxii sunt, multi eorum.

§ X.

2. *Primipili*, romano quidem vocabulo, sed significatione a Romanorum sensu multum diversa, sic dicti, vernaculo autem sermone *Lőfök* sive *Lőfuk*, (in singulari *Lőfö* seu *Lőfü*) & *Lovasok*, id est, *Equites* nominati, secundi Ordinis Siculi, Equestris Militiæ adscripti fuerunt: & horum Classis, seminarium quasi erat Virorum bellicosissimorum, incunabulaque *Primorum*; e qua insuper ad Provincialia quoque Officia, qualia sunt *Sedis*, (ut § IX. not. 1. dictum) *Adsefforatus* reliqua, una cum *Primoribus*, bene meriti adsumebantur.

1. *Lőfü*

1. *Lófe* dictus ex *Ló*, equum, & *fe* sive *fu* caput, vernaculo idiomate significantibus; quod unusquisque Primipilorum capitatum, hoc est, viritum, equo uno instructus, castra adire obligaretur. Hi in plurali scribuntur passim etiam *Lófűek* & *Lófejek*; quasi stricte diceretur *Equorum capita*.

2. Certe *Adfessores*, sive causarum Judices, majore numero e Primipilis, quam Primoribus, deligebantur; uti concludere tuto possumus exemplo Primariæ Sedis Siculorum Udvarhelyensis, cujus & universæ Nationis Conventu, in Oppido Székely Udvarhely die 23. Novembris anni 1505 habito, quum e Primoribus 4. tantum, e Primipilis 13. Adfessores pro eadem Sede & Filiali Keresztur, lecti perhibentur sequenti e latino (quod nusquam hodie reperitur) in hungaricum translato, decreto: *El-vegeztük és rendeltük: Hogy az Udvarhely és Keresztur Székén lakó Székely Ágyánkfainak, az Elsők között négy emberket, és ugyan azon Széken lakó Lófejek között tizenbármat, a' mi Székely Országunknak régs bé vett authoritásából, és hatalmából Biráknak, és az Igasság kiszolgáltatásának véghez vitelére rendeltünk, kik egy summában lesznek tizen beten, a' kik mindenik Székben ez Országban akármí Rendben lévő Személyeknek Jzemélyeket és képeket visfelyek.*

§ XI.

Pyxidarii five Plebeji in Litteris Principum sæpius *Pedites Pyxidarii* nomen gentili adpellatione *Kózség*, five *Köfség* — item *Kóz népek* (quasi dicas *vulgares populos*) & *Kóz-rendek*, nec non *Gyalogok* ac *Darabontok*, (hoc est, *Pedites*,) ob vestes uniformes, seculis saltem proximis, in *Rubros* atque *Virides*, (i. e. *Veres* & *Zöld*) distincti, tertium, prioribusque (§ IX. X.) multo numerosiorem, omni ævo efficiebant Militiæ Siculicæ Ordinem, eumque *Pedestrem*; & simul, nihil hoc prærogativæ eorum nobilitari præjudicante, plebeja etiam in Populo Siculico munia obibant. Horum insuper plurimi, quia ob seditionem & ad Hungariæ Regem Ferdinandum, posteaque Maximilianum adhæSIONem, suffragiis Comitiorum Schæsburgenfium, a. 1562, libertate Siculica exciderant, Principisque, & ejus donatione Optimatum dominium, servili cum conditione subierant, *Parasztok*, hoc est, ignobiles five rustici, passim in actis publicis; deinde vero postquam a. 1599 m. Nov. in Comitibus Albensibus libertatem recupe-

cuperassent, *Libertini* (*Szabadosok*) etiam frequentissime nominabantur.

- 1 Hujus Classis homo vocatur hungarice *Darabout* ex germanico *Trabant*, latine vero *Pixidarius*, hoc est, Sclopetarius, e *Büchse* itidem Teutonum, quibus sclopetum, quali Pedites nostri utebantur, hoc nomine notatur,
2. Communiter, atque publicis etiam in literis scribitur per I, non Y, *Pixidarius* & abjecto j, *Plebeus*.

§ XII.

Stantibus firmo pede tribus his Sicularum classibus, an inferioris Ordinis viris ad superiores, *Plebeis* videlicet ad *Primipilos*. & his ad *Primores*, ascendendi gradus dari potuit? Omnino; & quidem tam pacis, quam & cum maxime belli tempore. *Pace* nempe, si Plebejo vel Primipilo utilia Principi servitia navasse contigerit, prona ad promotionem via erat, testibus Primipilaribus passim & Armalibus Literis. Si quis porro Primipilorum opulentiorum tres vel plures Primipilatus, (*Lofóseg*,) hoc est, Primipi-

48 CAP. II DE SICVLOR. DISTINTIONE

mipilorum sine liberorum solatio vita functorum, vel etiam aliorum, ob pauperiem, aut aliam aliquam rationem Primipilati renunciantium, rærogativam Primipilarem, simul cum terreno sive hæredio, comparaverit; tali modo is gradum ad obtinendos Primorum honores fecit. *Bello* vero sæpissimo, non solum Primipilis, sed & Pixidariis (his pacis tempore rarius,) præcipua virtutum militarium laude conspicuis, in catalogum Primorum referri contigit feliciter.

- I. De Primipilatibus coemi solitis, docemur tam aliis monumentis, omni exceptione maioribus, quam erudito Opusculo manuscripto, testimoniis fulto, Nobilis quondam *Joannis Siménfalvi*, Causarum advocati Consultissimi: quod sequenti sub epigraphæ innotuit: REFLEXIONES, *de genuina ac Legali Nobilitate Nationis Siculicæ, ex Legibus fundamentalibus, Actis item Publicis & Judicialibus deductæ.*

Vid. Benkő *Milkovia*, Tom. I. p. 61. seqq.

2. Quod uno passu honores *primipilares* transilire, ac in numerum *Primorum* Plebejus si-
ve libertinus aliquis pervenire potuerit, e
pluri.

pluribus documento sint Literæ Armales
Demetrii Ilkei de Wargyas, ibidem apud
 Familiam adservatæ, cujus verba huc fa-
 cientia sunt: *Demetrium Ilkei ac per eum fi-*
lios etiam jam natos, e statu & conditione Pe-
ditatus & Libertinali -- -- -- clementer exi-
 mendos, in coetum & numerum verorum & in-
 dubitatorum -- -- -- Nobilium annumerandos --
 -- -- duximus -- 18. Febr. 1651. *Georgius*
Rakoczi.

§ XIII.

Promotiones autem ex Ordine dete-
 riore ad superiores, de bona olim con-
 suetudine fiebant per Comites Sicularum,
 qui sæpius Wajvodæ simul Transilvaniæ
 erant. Hi nullas quidem super inde Li-
 teras Privilegiales impertiebantur; sed
 auctoritate sibi a Regibus Hungariæ,
 speciatim Mathia Corvino, concessa,
 personas optime meritas in Tabulam
 Lustrationis, five Regestum Armilustrii,
 hujus vel illius Ordinis, publica in con-
 gressione referebant. Nec ante disjun-
 ctionem Transilvaniæ ab Hungaria *Ar-*
males, vel *Primipilares* (quorum vel no-
 men erat inauditum) Literæ cuiquam
 concedebantur: nec ulla necessitas Si-

D

culos

50 CAP. II. DE SICVLOR. DISTINCIONE.

culos ad eas efflagitandas ac amplectendas impulit unquam. His utinam caruissent originarii & perpetui Nobiles, quos revera non Reges, non Principes poterant reddere nobiliores. Patrii nihilominus Principes, quos præsertim alternantis fortunæ casus territabant, eo immodicæ sane liberalitatis processerunt, ut ejusmodi Literas distribuerent prodigaliter.

1. Quo olim modo promotiones ad & perdictos Ordines fiebant; quibusque immunitatibus veri Siculi gaudebant, non obscurare docet Mandatum Mathiæ I. Regis quod, ut inferius dicendis quoque lumen insignis spargat subnectere placet. En illud cum orthographia, (quàm retinere consultum ducimus) autographi:

„ Commissio pp. Dni. (*propria Domini*) Regis

„ **N**os Mathias Dei gracia Rex Hungariæ,
 „ Bohemiæ, &c. Fideli nostro Mfco (*Magnifico*) Blasio Magiar de Mera, Vajvo-
 „ de nostro Tranno (*Transilvano*) & Co-
 „ miti Siculorum, ejusque vices gerentibus,
 „ Salutem & Graciam. Querulose nobis ex-
 „ ponitur a parte Fidelium nororum (*no-*
 „ *strorum*) Siculorum Equitum atque Pedi-
 „ tum

IN PRIMOR. PRIMIPIL. PYXIDARIOS. 51.

„ tum de Sedibus Wudarheli & Maroz, in
„ castris nostris presentium, quomodo ipsos
„ nonnulli e Primoribus suæ Nationis, ex-
„ actionibus pecuniariis gravare tentassent,
„ & quo modo preterea ordo eorum trium
„ Generum labefactaretur. Cum igitur pre-
„ cipua conditio regalis nostre cure sit, ut
„ omnes & singuli Fideles, statum nrum
„ (*nostrum*) regium promoventes, præmii
„ condigni vicem accipiant; Ideo confide-
„ ratis summa fide, & strenuo semper belli-
„ gerandi studio dictorum fidelium nostro-
„ rum universorumque Siculorum, Fideli-
„ tatibus vestris harum serie mandamus fir-
„ missime, ut visis presentibus, sine celsa-
„ tione medelam adhibeatis, & quidem; Quo
„ ad *primum*, si quidem Fideles nostri Sicu-
„ li, nullis prorsus pecuniariis exactatio-
„ nibus, siue nobis, siue Hominiбус no-
„ stris obstricti a perpetuis temporibus di-
„ gnoscantur, nisi spontaneis & promptis
„ oblationibus ad nostri & aliorum Sereniss.
„ Regum Hungariæ Conjugiorum & Nato-
„ rum hilaria, nec non juxta redituum
„ suorum equitatem ad Legationes ab illis
„ & ad illos, uti illud ex aliis Literis nris
„ (*nostris*) ipsis in formam Privilegii re-
„ dactis, uberius intelligere poteritis: quam
„ ob rem omnes exactiones, per publi-
„ cam vocem, sub gravissima pena interdi-
„ catis, ita ut si nihilominus forent aliquo

52 CAP. II. DE SICULOR. DISTINCTIONE

„ tpre (*tempore*) reperti tales , qui contra.
„ rium facerent , illi eo facto , juxta con-
„ suetudinem ipsorum , omnibus bonis ever-
„ tentur ; Quoad *alterum* vero , facta per
„ Vos sine mora generali collustratione Fi-
„ delium nostrorum Siculorum Equites in
„ suo statu a majoribus progeneratos in se-
„ orsivas tabulas referatis , qui propter
„ permanfuram distinctionem Primipili vo-
„ cabuntur , Pedites rursus in alias tabulas
„ quas nemo Primorum suo arbitrio alte-
„ rabit , perpetuam alioquin infamiam in-
„ cursurus ; nec ex his vero , nisi Vajvoda-
„ rum nostrorum Transilvanorum et Co-
„ mitum Siculorum pro tempore constitu-
„ torum , ac in futurum constituendorum ,
„ nec ex illis , nisi tres terre sortes & facul-
„ tates habere dignoscantur , dictorum iti-
„ dem Vajvodarum nostrorum scitu , ad su-
„ periores gradum ascendere valebunt . In
„ his secus nullo modo facturi , & tabulas
„ quas confeceritis , ad nos etiam transmis-
„ suri . Presentibus perlectis , exhibentibus re-
„ stitutis . Datum in Castris nostris adobsidio-
„ nem fortalitii Modra metatis , feria quin-
„ ta proxima post Festum conceptionis
„ Beate Marie Virginis , Anno Domini Mil-
„ leesimo Quadragesimo Septuagesimo Ter-
„ tio , Regnorum vero nror. (*nostrorum*) An-

IN PRIMOR. PRIMIPLOS, PYXIDAR. 53

„no. Hungarie Sexto Decimo, Bohemiae
„Quinto.

(L.S.)

C A P V T III.

DE MVNIS & OBLIGATIONIBVS SICVLORVM.

§. XIV.

Natio Sicularum Terram, quam incolit, effulso largo sanguine adquisitam, quia erat ab omni popularium suorum communione & mutui auxilii spe procul disita, non aliter, quam infinitorum ferme laborum molestiis, in medio infensorum sibi populorum, per tot seculorum decursum, propugnare ac tutari potuit. Necesse igitur fuit, ut Gens uniuersa, ceu tanto oneri ferendo haud multa, junctis unanimiter viribus, tuitioni Patriae incumberet; nec esset quispiam, cui curarum laborumque pars, ad conservandam rem publicam pro vi-

24 DE MVNIS & OBLIGATIONIBVS

~~illi~~ *sepportanda*, non obtineret. Mirum proinde videri nequit, Nationem Siculicam, in campo Martis natam, ita armis atque bellis fuisse innutritam, ut totum ferme Genus masculinum *trium Ordinum*, sepositis creberrime, & sexui sesequiori conceditis rei domesticæ agrariæque curis, castris identidem inferviret.

1. *Generatim* num primum de muneribus Siculorum *trium Ordinum* succincte, & quidem, quoad propinquiora secula, e testimoniis Decretorum Comitialium, quæ vulgo *Articuli Diatales* audiunt, agendum.

§. XV.

Sic adeoque cunctorum in concreto Siculorum, armis gerendis aptorum, munus erat, quidquid belligerandi studia & opera poscebant, alacriter ferre, ita quidem ut:

1. Quoties necessitas exigeret, vel generatis Infurrectio mandaretur, per singula capita seu viritum ad bella iretur: relictis nihilominus sufficientibus ad custodiam Locorum Siculicorum armatis.
2. Ab

2. Ab a. 1555 ad 1597, quinta, ab hoc vero anno aliquamdiu viceſima Gentis pars, ad inſurgendum obligaretur. Sed

3. Ex hoc tempore, ad initium labentis ſeculi, ſub continuis per ætates Principum viciffitudinibus, varius adeo fuit militandi modus, ut anguſtæ huius Opusculi paginæ capere nequeant.

1. Iam ſpeciatim.

§. XVI.

1. Ad PRIMORES quod adtinet; hi, quoties Primipili & Pixidarii per ſingula capita inſurgebant, non modo viritim, ſed prout erant pluribus vel paucioribus Primipilatibus (§. XII. *Lojóstég*) atque ita bonis ac hæreditatibus pollentes, tribus, quatuor, quinque &c. equis, hoc eſt, Equitibus, a proportionẽ facultatum ſuarum, armisque bene inſtructi, bellis intereſſe tenebantur: niſi quis eorum, geſto civili aliquo Magiſtratu, puta, Iudicatu Regio, &c. (§. IX.,) vel

56 CAP. III. DE MVNIS OBLIGATION.

Legatione publica, pro lege & consuetudine Gentis suscipienda, abstraheretur.

1. Hanc Primorum insurgendi rationem, & demensam pro eorundem equis solutionem, docet Articulus 3tius a. 1562 mense Junio Segesvárini conditus, cujus sequentia sunt verba: *Az Fő népek-is az ő rendjeknek és dilapottyoknak mivolta szerint, ki bárom lovat, ki négygyel, ki öttel, legyenek készen, jó szerrel; kiknek mi esztendő által, egy egy lora nyolc nyéltz forintot adatunk. Mikor pedig Országunk szükségé kívánnya, és szolgálásban készenek, két két forint bá pénzt adatunk nekik.*
2. Primores hi, seculo superiore ad particularia bella insurgere recusabant; ideoque a Primipilis & Pyxidariis in curia Principis adculabantur: quam ob causam Commissarii quoque ad rem pervestigandam & componendam in Comitia Provinciæ ad diem 1. Dec. 1670 Albam Juliam conducta fuere ordinati. Rem totam ad eruditionem nostram historicam, Articulus ejusdem Dietæ 24tus, typis chalcographicis mandatus, his ad Literam verbis exprimit: *Székegyháza a' tyánkfaisnak lévén illel bántódási, hogy az Nemessi rend particularis insurrectiokor ennek elötte való időkben székekben fel nem ült de némely helyeken nem kicsin meg-bántódásokat érezvén, egyfok s' mind Privilegiomok ellen-is tapasztalván*

adni lenni, arra eröltetnének, hogy azért Nagyságod azon dolognak megvizsgálására, ha az Tisztek ellen való panasz méltó-e avagy nem, és meg-orvoslására-is Commissariusul rendelte Betsületes Tanács Ur biveit, Béli Pál, Hal-ler Pál, és Nagy Tamás atyánkfiait, Nagysá-godnak alázatosan meg-szolgálljuk.

Gyakor Mustrákkal pedig azon székel-y atyánkfiai ne terheltessenek, és az Székek-ne-batárán kívül mustrára menni ne tartozzanak, hanem ha az Nagyságod parancsolattya.

§. XVII.

2. PRIMIPILI, equis quidem infi-dentes, & armis idoneis instructi, ad bella progrediebantur (§. X.) postremis tamen temporibus, quoniam numerus Peditum per promotiones §. XII.) erat inminutus, inter Pedites quoque, dum oportebat, militare obstringebantur, hinc-que *Primipili Pixidarii* vocabantur.

1. Talem eorum adparatum bellicum docent complurium Primipilarium Privilegiorum, circa medium seculi 17mi emanatorum ver-ba, ad literam sic sonantia: Ita tamen, ut ipsi [Primipili,] heredesque & posteritatus ipso-rum universi, bonis equis, frameis, sclopetis longis, pulveribus ac globis sufficientibus bene
D 5 instru.

38 CAP. III. DE MVNIIS & OBLIGATION.

instructi, omnibus bellicis expeditionibus, tam generalibus, quam partialibus. pro necessitate Regni suscipiendis, ad mandata nostra, successfuliumque nostrorum semper interesse, & si res postulaverit, equis descendere, & more peditum fidelem patriæ operam navare debeant, & sint adstricti.

2. Paulo alium eorum adparatum dudum antea fuisse, constantem nempe equis, lorisis, cassidibus, scutis, & hastis, comperimus ex Articulo 3, Comitiorum a. 1562 m. Jun. qui sequentis est tenoris: *Ök-is [Lófejek] Lovakkal, pánczéllal, sisakkal, paiszsal, kopjákkal, hadakozóképet jó móddal késszen légyenek mindenkor; úgy hogy minden lófsó az ő lófségétől, az mi parantsolatunkra, és Országunk szükségére valamikor kellettendének, egy egy lóval indulbassanak; kik egy Holnapon az ő költéseken éljenek, azután mi nekik minden Hóna (Hónapra) segítésül egy egy forintot adatunk.*

3. De Primipilis vero depauperatis & equo destitutis, inter Pedites militare obligatis, atque redeunte ipsorum fortuna in integrum statum Primipilarem restituendis, luculenter nos condocet Lex (*Articulus*) 24. Dietæ m. Novembri Anni 1670 celebratæ, in hæc verba promulgata: *Ugyan Székely Atyáinkfiai régi szabadságoknak esmérőén lenni, hogy mikor vitatko vend meg-fogyatkozott, 's lovok*

vok nem vólt, az Gyalog Lófűek között szolgáltak, és üdövel meg-épülvén viszont szabadságokban állott, tellyekben állások. Némely Székekben pedig, nevezet szerén Csikban, az Hámorosok és Eör állók küzzé állán; ba mikor Zászló alá visszsa akarnának menni, az Hámoros Tíste és az Harminczados meg-nem engedik. Azért bossáttafsanak visszsa, és az Zászló alá vétefsenekbé az olyanak-is.

§. XVIII.

Præter munia militaria, plebejis etiam quibusdam Obligationibus fuerunt obnoxii, uti sunt: Judicem five Præto-rem Pagi (*Fakus Biro*) agere, ubi numerus Plebejorum nimium esset diminutus; cui oneri *Armalistæ* quoque unius Sessio- nis; (qui *Primores* inter ac *Primpilos* gradum aliqualem habent,) hoc in casu subjacent; captivos porro deportare, expensasque una cum Plebejis, euntibus ad Comitîa Primoribus contribuere, & si quæ fuerint alia.

1, Hæc omnia Decretis Comitialibus nituntur. Vid. *Approb. & Compil. Constit.*

§. XIX

§. XIX.

3. PLEBEJI five PIXIDARII, Pedestris Militia Nationalis, §. XI. præter arma militaria, plebeja quoque munia, tam §pho XVIII. commemorata obibant, quam insuper viarum publicarum reparationibus incumbabant, campos vetitos atque sementes custodiebant, impedimenta militaria currubus vehebant, & quod maximum est, post disjunctionem Transilvaniæ ab Hungaria, tributa etiam, non continuis licet temporibus solvebant, ac solvunt. Præcipua tamen horum quoque obligatio fuit bellica. Unde ne ad pauciores numerum, cum detrimento communis Patriæ redigerentur, sedulo Principes attendebant.

1. Scilicet, dudum erat lege cautum, quod si Siculus (agitur de Plebejo) militiæ se subtraheret, Dominoque *Directo*, qui filio Transilvanorum *Terrestris* nominatur, semet venderet, inde quidem per Generalem eximeretur; at si altera rursus vice idem faceret, morte puniretur. Lex Comitialis, a. 1608. m. Sept. lata, sic rem hanc exprimit: *jelentí Nagyságád, hogy az Székelység küsüljék az Ország szolgálatyától magokat*
meg-

*megvonván, szabad akaratyok szerént magokaz
jobbágyá tették, ki miatt az közönséges dologban
fogyathozás esik. Tettzett azért, hogy Genera-
lis Urammal Nagyságod circáltassa-meg, és az
ból az féle találkozik, foglalja ki az Ura kezéből
és réstitúálja priori statui; ha pedig mászor meg-
próbálja, hogy ismét jobbagyságra adja magát,
halállal büntettesék meg.*

§. XX.

Peculiare denique admodum erat,
ut a memoria hominum, vi libertatis
Siculicæ, quæ nullum admittebat genus
tributi pecuniarii, pecuaria illud Primi-
pili juxta ac Plebeji oblatione compen-
sarent. Nam, 1. Tempore coronatio-
nis novo Regi. 2. Occasione matrimo-
nii sponso Regi. 3. Dum Regina ma-
sculum primogenitum peperisset, aulæ
regiæ, sextum quemque bovem (e qua-
drimatis & grandioribus) conferebant.
Et hæc, hungarice *Ökór süts*, latine *Si-
gnatura boum*, dici consueverat: quod bo-
bus lorte Regi obvenientibus stigma fue-
rit inustum.

1. Posteriorum duarum Oblationum meminisse
arbitror Regem Mathiam in Mandati,

62 CAP. III. DE MVNIIIS & OBLIGATION.

§. XIII. *not.* 1. recitati verbis: *Conjugatorum & Nasorum bilavia*. Sed hujusmodi Oblata Regibus rarissime alias, tempore vero ardentium & recenter exstinctorum bellorum, Principibus item patriis nunquam facta deprehenduntur. Non *tributa*, non *taxas*, sed *oblata* profecto pronunciamus ex ipsa lege atque Gentis consuetudine: quum Siculi non inviti, non coacti, sed propria sua sponte boves ejusmodi occasionibus dono dederint, juxta citatum proxime, per plurima inter documenta, Mandatum Mathianum. Huc collimant dubio procul verba *Nicolai Olabi*, Metropolitæ Strigoniensis, qui in suo *Attila*, Cap. 18. hæc loquitur: „Tri-
„butum nemini, nec Regi, nec aliis pen-
„dunt, præterquam quod, quum Rex co-
„ronatur Hungariæ, aut uxorem ducit,
„aut nascitur ei filius, viritim [*si sex habe-*
„*ant*] singulos (n. b.) *conjerunt* Regi bo-
„ves. Verum id quoque non sine magna
„difficultate plerumque faciunt. Sed *An-*
„*tonius Bonfinius*, qui in publica Regni Hun-
„garici luce versatus, in aula enim Regis
„Mathiæ proxime laudati vivebat & scri-
„bebat, longe adhuc luculentius perhibere
„poterat testimonium, verbis sequentibus
„de Siculorum immunitatibus, ac bobus
„non ex debito ab ipsis, sed precario in
„rationem Regum obtinendis, ad finem
„*Libri*

„*Libri I. Decadis I. Rerum Vaganticarum,*
agit:

„Scythuli quoque populi, e Scythis
„ingenuis oriundi, quandoquidem adhuc
„servitutis ignari sunt, nullaue regi sti-
„pendia nunc expendunt, nisi quandoque
„domesticatim bovem, & illum quidem non
„edicto imperatum, sed precario nomine,
„postulante quasi regni necessitate, exora-
„tum.,,

2. Priores duas commemorat Articulus Dia-
talis 4tus de a. 1599 20. Nov., in quo Mi-
chaeli Valachiae Transalpinæ Wajvodæ,
& Transilvaniae tyranno, Status Provin-
ciae metu perculsi, primi generis oblation-
nem concedunt. *Articulus* ille sic habet.
Miérthogy pedig a' Székelységnek szabadságát
meg-adta Nagyságod, azoknak régi szabadságok
szerént, a memoria hominum illyen Törvé-
nyek volt, hogy mikoron Fejedelem változott,
avagy meg házafodott, minden hat ökörnek egyi-
két a' Fejedelem számára szedtek kit és ugyan
ökör hitésnek bírtak, melyet Nagyságod most-is
fel-szedessen, Udvarának és Hadának jó rész
szükségét Nagyságod velle meg éri.

3. Plura hanc in rem dicere possem, e Privi-
legialibus Literis Michaelis illius pessime me-
moriae, quas hoc anno dedit Plebejis Se-
dis

64 CAP. IV. DE JURIBVS, IMVNITATIBVS

dis Udvarhely, in cujus tabulario originales adseruantur: sed nunc nec locus, nec tempus suppetit. Conf. BENKÖ *Transilvania* Tom. 1. pag. 428.

C A P V T IV.

DE JURIBVS, IMMVNITATIBVS,

A T Q V E

PRIVILEGIIS SICVLORVM

§. XXI.

Quum Natio Sicularum, ex præmissis, ea dignoscatur, quæ Terram suam, jure belli, multoque cruore, & vetustissimo adeo tempore occupaverit, ut & Regno Regibusque Hungariæ, & Principatu Principibusque Transilvaniæ longe sit antiquior; (§. IIV-II.) occupatam vero, formatis, quibus cum decore ac emolumento respublica administraretur, Ordinibus (§. VIII-XIII,) innumeris curarum myriadibus, ac gestis muniis gravissimis (XIV-XIX, propugnauerit & conservaverit; seque demum, ac Terram simul
suam

suam liberam, ultro Regibus ac Principibus tradiderit (§. VII.) merito sane laborum & sudorum suorum fructibus utitur, hoc est, præcipuis Juribus atque Libertatibus gaudet; quibus profecto sub præscis Hungariæ Regibus amplius, & condigne quidem fruebantur.

1. Immunitates Siculorum hujus ævi, Auctor *Novæ Daciæ*, pag. 5 his non immerito innuit: *Siculi -- -- de sua libertate amplius gloriantur, quam ea fruuntur.*

§. XXII.

Siculorum trium Generum (§. VIII.) in universum præmium, quod a propriis virtutibus obtinuerunt, nec ab alio quopiam mutuati sunt, est utique ut omnes illi, ad infimum usque veri, nati ac privilegiati Nobiles censeantur (§. IV. & VIII. not. 1.;) consequenterque omnibus iis prærogativis, juribus ac libertatibus, quibus ceteri indubii Nobiles Regni Hungariæ & Transilvaniæ pollent, dignissime gaudeant.

1. De Juribus & Immunitatibus Nobilium Hungariæ ac Transilvaniæ, agit univer-

66 CAP. IV. DE JURIBVS, IMMUNITATIB.

se *Decretum Tripartitum* Part. 1. Tit. 9. & P. 2. T. 38. Nos hic carptim & speciatim de Sicularum Nobilitate: præmissa *Nicolai Olabi* Archiepiscopi Strigoniensis, hanc in rem sententia, quam Cap. 17. suæ *Attila* sic expromit: „Volunt se omnes haberi „ingenuos, utpote, qui sint veterum Hun- „norum reliquiæ. Nec abs re ea uti cu- „rant libertatis prærogativa. Neminem e- „nim patiuntur inter se libertate esse su- „periores. Minimus eorum eam habet „inter eos immunitatem, quam maximus.

§. XXIII.

Sicularum adeoque præcipuæ Prærogativæ sunt,

a. Personales.

1. Quod ipsi, nisi citati sive evocati, ordineque judiciario condemnati fuerint, in eorum personis nusquam & per neminem detineri possint.

2. Violatur tamen hæc libertas in factis criminalibus, puta: homicidio deliberato; villarum combustione; furto & rapina; atque etiam violento adulterio; in quibus honor libertasque Nobilitatis amittitur.

2. Hinc,

2. Hinc, *Lex Consuetudinaria*, num. 36. statuit, hæreditarium Siculum ne in Tabula quidem Wajvodali (adde, *Principali*), extracum sententiæ mortem inferentis, detineri posse. Verba Legis ad litteram sunt: *Az örökös Székely meg-ne tartassék a' Vajda Urak Tábláján; hanem ha balát érdemlene.*

§. XXIV.

2. Quod nemo Siculorum in præsentiam Wajvodæ, aut Comitis Siculorum (consequenter ævo nostro ad *Tabulam Regiam*, Mandato evocatorio, ut nominantur) evocari queat: sed *Causa* cuiuslibet in Sede competente primum inchoetur, & illinc appelletur.

1. *Lex Consuetudinaria*, num. 6. est: *Parancsolattal. senkit se bibassanak, se Vajda Urak, se Ispán eleibe, hanem kit kit Székis kereszenek előbbször; és a' ki mit nem igazol, az kérdőjével meheszen el, Ország Törvénye szerint.*

§. XXV.

3. Quod Officia quælibet, Civilium æque ac Bellicarum rerum administrationi admovenda, non extranei san-

68 CAP. IV. DE JURIBVS, IMMUNITATIB.

gvinis hominibus, sed hæreditariis Siculis conferrentur.

1. Jus hoc, Siculicæ Nationi ex toto olim proprium, ita seculo superiore temperatum est, ut Officiales Militiæ Primarios, veluti *Generales & Capitaneos*, Princeps ipse quidem, sed e sola Inclita Natione, *Supremos Judices Regios* vero ipsimet Siculi crearent. Vid. *Approb. Part. 2. Tit. I. Art. 5. 6. 7. & Compil. Constit. P. 2. T. I. Art, 1. 2. 4.*

2. Debitum huic Juri robur addidit Magnus Leopoldus Augustus, Puncto 5. Diplomatis, a. 1691. 4. Dec. Transilvanis dati, quod sequentia loquitur: „*In omnibus*, five „ad Politiam five ad Justitiam vel Oeconomiam administrandam necessariis officiis, utentur Indigenis Transilvanis, Hungaris n. p. Siculis ac Saxonibus nullo hæbito Religionis respectu, neque exteræ Nationes, aut quæ Nobiscum ab illis inter Exteras & inhabiles dignoscuntur ad honores & munera, quotiescunque ea vacare contigerit prævalebunt: salva tamen nostra, cum illorum consensu ad recipiendum in Matriculam commendatione.

§. XXVI.

4. Quod Siculus militans, Transilvaniæ, communis videlicet cum duabus

bus aliis Nationibus Hereditaria & Unitata (§. Patriæ finibus non aliter, nisi tutandæ ipsius Provinciæ ratio exigat, ad exterarum regiones ducatur.

1. Hanc Immunitatem totidem ferme verbis probavit Aug. Leopoldus Imperator, Puncto 15 benignæ *Resolutionis*, Illustri *Petro Alvinczi* de Borberek, Statuum Ablegato, traditæ, cujus hæc est sententia: 16. *Consentit vicissim Sua Majestas clementissime, ut Siculi Transilvaniæ finibus non educantur nisi Patriæ ipsius tutandæ ratio & necessitas id præstulerent.*

§. XXVII.

His licet & pluribus Immunitatibus Siculi ab olim a præclaris undique generis suis præmiati fuerint: quum tamen *Nobilium Hungarorum Homagium* 200 florenos hungaricos (*Decret. Tripart. P. 1. T. 2.*) faciat, *Siculorum*, quod miraberis, *Homagia* viginti & quinque florenis compensantur. *Dec. Trip. Part. 3. Tit. 4.*

1. Non est, quod miremur, hanc Homagiorum differentiam. Siculi namque, qui salutare suo in gremio leges condendi jure nunquam destituebantur, ut plura alia, sic

70 CAP. IV. DE JURIBVS, IMMUNITATIB.

etiam Homagii valorem, Gentis suæ statui,
ut duxere consultius, adcommodarunt.

- a. De Homagiis vide, si placet, P. Joannem Szegedi, *Tripartiti Juris Ungarici Tyrocinii* Part. 3. Tit. 5. erudite disserentem.

§. XXVIII.

b. Reales.

E Realibus Immunitatibus, quæ scilcet, civilia, judicialia & œconomica spectant jura, sequentes pro specimine sunt.

1. Quod Siculus ne per notam quidem infidelitatis, ob quam capite plectitur, Bona hæreditaria amittat; sed ad hæredes fratresque ejus deriventur. *Decr. Trip. Part. 3. Tit. 4.*

- a. Numero 30. *Legum Consuetudinariarum Nationis*, sic hocce jus dictatur: *Székely ember, örökségét sommiképpen el-nem vesztetheti; ha fejezté birtoklenségéért elvesztene-is: hanem Attyafiaira marad.* Sed hanc legem a. 1562 in Comitibus Schæsburgensibus (§. XI. sublatam esse non ignoramus.

§. XXIX.

§. XXIX.

2. Quod Hæreditas Siculica *Filios* tantum concernat; *Filiabus* honeste solum e Bonis paternis emaritatis. Si vero solas *Filias* quispiam reliquerit, iisdem hæredium paternum ex integro compe-
tat. Et hoc jus *Prefectio Filiarum* dicitur. *Leg. Consuetud.* num. 20.

1. Juris hujus fundamentum est e Militia re-
petendum. Mares nempe, non Feminae, a-
grum Siculicum expugnarunt & propugna-
runt.

§. XXX.

3. Quod *Jus Regium*, vi cujus in Bo-
nis sine semine deficientium & notam In-
fidelitatis incurrentium, Imperans suc-
cedit, locum in Hæreditatibus Siculicis
non habeat: nisi quis Jus illud sponta-
nea voluntate (*propoffere*) in sua Bona
invexerit. Siculo igitur sine Liberis
mortuo, Fratres, vel, si nec ii fuerint,
Vicini succedunt.

1. *Vid. Appr. . Constit. Part. 3. Tit. 76. &*
Artic. 25. an. 1571. Fest. S. Elisabethæ Clau-
diopoli pronunciatus.

72 CAP. IV. DE JURIBVS, IMMUNITATIB.

2. Ne *Publicatio Defectus Seminis*, ut vocatur, locum unquam inter Siculos, contra primigeniam eorum Libertatem, obtineret, Literis sollemnibus cavit Princeps Georgius I. Rákoczi an. 1636 quarum hæc est sententia:

Nos Georgius Rákoczi, Dei Gratia
„ Princeps Transilvaniæ, Partium Regni
„ Hungariæ Dominus, & Siculorum Co-
„ mes, &c. Memoriam commendamus te-
„ nore præsentium significantes, quibus
„ expedit, universis. Quod cum sub anni
„ proxime evoluti Comitibus Generalibus
„ in Civitate nostra Alba Julia in Mense
„ Majo celebratis, Spectabilis ac Ma-
„ gnificus quondam Franciscus Miko de
„ Hidvég, tunc Consiliarius ac Cubicu-
„ larius noster Supremus, Sediumque
„ Siculicalium Csik, Gyergyó, Kálszon
„ Supremus Capitaneus, ac Fidelis no-
„ ster sincere Dilectus, Generosus Mi-
„ chaél Thóldalagi de Ertse, Consilia-
„ rius noster, ac Sedis Siculicalis Ma-
„ rus Supremus Capitaneus, nominibus
„ & in personis Fidelium nostrorum sin-
„ cere nobis Dilectorum Universorum,
„ Generosorum, Egregiorum, Nobili-
„ um

„ um & Agilium, Potiorum, Primipilo-
„ rum, Peditumque Pixidariorum nos-
„ trorum, ubivis in Regno nostro Tran-
„ sylvaniæ, signanter vero in septem Se-
„ dibus Siculicalibus constitutorum &
„ residentium, de restituenda antiquis-
„ sima ipsorum libertate subnotanda hu-
„ militer requisivissent, postea vero sub
„ proxima Lustratione etiam Generali,
„ dictorum universorum Dominorum Si-
„ culorum, novissime cum in Sede Si-
„ culicali Arantias Lustrationem conti-
„ nuaremus, nonnulli Fideles Nostri,
„ nomine totius universitatis Domino-
„ rum Siculorum, modo præmisso
„ apud nos institissent, benigne inclina-
„ ti, considerantes etiam ac in animo
„ nostro revolventes Regum & Princi-
„ pum erga suos optime meritos Subdi-
„ tos Benignitatem & Liberalitatem,
„ Subditorum vicissim erga suos Princi-
„ pes præclaram fidem & integritatem,
„ indeque natam inserviendi & gratifi-
„ candi iisdem alacritatem, vinculo quo-
„ dam propemodum indissolubili ita es-
„ se connexam, prouti altera ex altera
„ gignatur, foveatur, augeat atque

nostra ex
 dignitas no-
 ere meritas.
 nostrorum Si-
 quia erga nos
 intelligimus.
 incipibus suis,
 soribus nostris
 te, nec minori
 laude infervivis-
 acis Principatus
 nobis commissi
 bilissimorum Sub-
 salutis amantissi-
 ma nobis strenue
 titisse, spem fa-
 n, in ipsos univer-
 es, & avata ipso-
 mis laude, & no-
 ssima liberalitate
 atos: Ad omnia
 s, præclaræ fidei
 officia, contra o-
 striæ charissimæ æ-
 alacriter præstanda
 ros, nobisque, ac
 ats, Legitimis Tran-
 sylva-

„ sylvaniæ Principibus, summa semper
„ constantia & fidelitate adhæsiuros esse.
„ Quorum omnium ob respectum, libe-
„ ralitatisque nostræ ab ipsis desideratæ
„ evidentissimum sempiternumque testi-
„ monium, præfatæ Universitati Domi-
„ norum Siculorum, eorumque Posteri-
„ tatibus utriusque Sexus universis, e-
„ am Libertatem & Immunitatis præro-
„ gativam in forma perpetui nostri Pri-
„ vilegii benigne dandam, conceden-
„ dam, donandam conferendamque du-
„ ximus, ut nullo unquam deinceps
„ tempore publicatio Defectus seminis
„ quorumcunque sine semine deficienti-
„ um inter eosdem Dominos Siculos
„ institui peragique, sed nec bonorum
„ eorundem deficientium statutio aliqua
„ aut occupatio in rationem Fisci nostri,
„ & Successorum nostrorum, Legitimo-
„ rum Transylvaniæ Principum, fieri
„ possit, & peragatur. Sed eorum sine
„ semine deficientium Bona in suæ Ge-
„ nerationis utriusque Sexus Homines,
„ more tamen & consuetudine ipsorum
„ antiquissimo observato condescendant
„ atque devolvantur. Prout prænotatæ
toti

76 CAP. IV. DE JVRIBVS, IMMVNITATIB.

„ Dominorum Siculorum Univerfitati ,
„ eorumque Pofteris & Hæredibus utri-
„ usque Sexus univerfis, damus, do-
„ namus, concedimus & conferimus, &
„ Præfentes hæc noftras Donationales
„ loco perpetui Privilegii ipsis indulge-
„ mus, tam in communi omnibus & fin-
„ gulis, quam etiam fingulis Sedibus
„ Siculicalibus feorfim obfervandas.
„ Quemadmodum hæc etiam præfen-
„ tes Litteras Donationales Privilegia-
„ les univerfis Fidelibus noftris Domi-
„ nis Siculis in tribus Sedibus Siculica-
„ libus, Sepis, Kézdi & Orbai existen-
„ tibus & degentibus, in forma Privile-
„ gii noftri perpetui extradandas efle du-
„ ximus. Harum noftrarum vigore & te-
„ ftimonio Litterarum mediante. Datum
„ in Arce noftra Szamos-Ujvár, Die
„ trigesima menfis Ianuarii, Anno Do-
„ mini Millefimo Sexcentefimo Triges-
„ mo Sexto.

Georgius Rákoczi. mpr.

(L.S.)

Publicatæ fuerunt hæ Litteræ anno 1636 die
6ta Februarii, in Pago *Maxa* Sedis Siculi-
calis

lis Kézdi, Congregatione Trium Sedium
Siculicalium Sepfi, Kézdi, & Orbai.

§. XXXI.

4. Quod Gens Sicula, tanquam homines bello servientes, omnium *Tributorum immunes* vivant; juxta Ferdinandianorum Commissariorum *Relationem* (§. VIII. not. 1.) Mathiæ item Regis Privilegium (§. XIII. not. 1.) & Punctum 14^{um} Diplomatis Leopoldini, in hæc verba concepti: „Siculi genus Hominum bellico-
„ filissimum, ab omni Tributo, Hyber-
„ norum aut Aestivorum molestia, a De-
„ cimis & præstationibus, ratione Bono-
„ rum, quæ cum onere insurgendi pos-
„ sident, velut hactenus; ita in poste-
„ rum sint penitus exempti. E contra,
„ pro tuenda Patria propriis impensis
„ militare, obstricti permaneant, non
„ tamen subintellectis Rusticis vel Job-
„ bagionibus Siculis.

1. Alienum a vero cuipiam videri posset, dum audit, Siculos tributi obnoxios non fuisse, nisi verba Diplomatis in medium adlata intercederent: Articuli namque Diætales, qui solvenda per Siculos tributa commemorant, frequen-

78 CAP. IV. DE JVRIBVS IMMVNITATIB.

frequenter deprehenduntur; ac *Approbatæ*,
Compilatae que *Constitutiones* etiam idem argu-
unt. Quid ergo jam respondebimus? Dici-
mus strictim, Gentem Siculorum triplicis esse
Ordinis (§. VIII.) quorum tamen nullus ante
avulsionem Transilvaniæ ab Hungarico Re-
gno fuit tributarius. Verum per disjunctio-
nem ab Hungaria una cum limitibus Pro-
vinciæ coarctatis Isabellæ Reginae, & pu-
pilli Johannis Sigismundi rebus, in hanc
Unionis formam Tres Nationes Provinci-
ales, puta, Hungarica, Siculica, & Saxo-
nica, a. 1544 (non 1545 uthabet *Extractus*
Simonianus Articulorum Diætaliū) in Co-
mitiis Generalibus ad Festum B. Georgii Mar-
tyris Thordam indictis, consenserunt: „Cum
„una Nobis omnibus Patria sit, unamque
„ab omnibus charitatem illa desideret; ne-
„celse est, ut pari studio, & diligentia
„causam Patriæ quilibet tuendam suscipi-
„at, nemoque se ab his, quæ conservati-
„onem Patriæ respiciunt, subducatur: idque
„sive defensionem, sive pecuniariam solu-
„tionem, sive aliquid aliud ejusdem tem-
„poris conditio postulaverit, deliberatum
„est, ut ejusmodi onera patriæ, juxta an-
„tiquam consuetudinem, & constitutionem
„Regni; omnes tres Nationes æqualiter
„perferant; cum utilitas, quæ ex conser-
„vatione Regni esse consuevit, ad omnes
„ex æquo pertineat. „

2. Nega-

2. Negari proinde nequit, Contributiones in Terra Sicularum collectas fuisse; sed utrum ab omnibus? & num continuis temporibus? Minime gentium. Tributarii certe fuerunt tertii Ordinis Siculi, i. e. Plebeji; sed nec hi semper, & de jure, verum extraordinariis in Casibus solum sponte. Nam in recitato (*not. b.*) Unionis Articulo, quod per Siculos solus eorum Ordo Plebejus intelligatur, pulcre profecto condiscimus ex Articulo 7mo Comitiorum, a. 1608 d. 3. Mart. Claudiopolim congregatorum, ubi decernitur, Siculos Plebejos in Congregatione Nationis suæ, ad Festum S. Georgii in Udvarhely celebranda per Commissarium Principis requiri, ut secundum dictamen Unionis Nationalis, ceterorum Regnicolarum sortis miserti, opem in ferendo tributo ne subtrahant. Qui dulcius ex ipso fonte rem hauriere avent, hi ipsum Decretum Comitiale sic ex authentico exemplo legere velint: *A' köz Székelséget pedig Nagyságod Fő. Embere, Commissarius által, találta-meg Udvarhelyt, holott ez nekik közönséges Gyűlések léssen Szent György nap előtt való Hetfen, hogy az Unionak tartása szerint az Országoknak több részeit meg-írdván, a' kik ebben a' terek viselésben edgyet értenek, ők-is ebbéli segítségket meg-ne vonnyák.* Hunc in modum aliæ quoque per plurimæ Conventuum sanctiones, quarum stilo, sub nomine Sicularum, nava-

30 CAP. IV. DE JVRIBVS, IMMVNITATIB.

universam forte primo obtutu Nationem intelligere quispiam posset, de solis utique Plebejis loquuntur.

3. Primorum & verorum Primipilorum a publica Contributione immunitatem clare etiam comperimus ex Actis Comitiorum ad diem 12. Junii 1559 Albam Juliam indictorum; ubi declaratur,

„ Quod Siculi, relictis Articulis Thor-
„ densibus, super impositione Taxæ 12000
„ florenorum, quam solita consuetudine
„ præstabant, Primores eorum Inquilinos
„ proprios sublevarunt, & promiscuam Ple-
„ bem contributione integra flor. 1. dr. 50.
„ faciente onerarunt; atque ob id ad quere-
„ las Plebis, Statuto Regni, inquisitio ge-
„ neralis inter ipsos decreta est; quæ quia
„ in Maros & Udvarhely jam peracta fue-
„ rat, nec reliquis Sedibus parceri possit.
„ Interim similes Inquisitiones, nisi ipsimet
„ causam præbuerint, nullo modo fient.
„ Statuuntur denique Siculis leges sequentes
„ loco Privilegii perpetui:

1. „ Primores universi, una cum Primi-
„ pilis, illis v. l. qui juxta veras radices
„ ex avis Atavisque Primipilis descenderunt,
„ & quorum Majores tempore Divi Ma-
„ thias, & aliorum Regum probe militarunt,

ne

& PRIVILEGIIS SICVLORVM. 81

„ ne quoque in posterum discentur; imo
„ in antiquis Libertatibus illæsi, Militiæ
„ & Belligerationibus servantur, quos Prin-
„ cipes certis temporibus perlustrari faci-
„ ent, & illorum Militares apparatus per-
„ noscent. Decimas tamen Primipili, quas
„ olim & Primores Siculi ab iis exigebant,
„ Principibus præstent.

2. „ Ad Portas connumerentur solum
„ Inquilini, Servi, & promiscua Plebs.

3. „ In Belligerando parabunt se se,
„ ut Regnicolæ decreverint, & necessitas
„ postulaverit, vel in totum, vel in par-
„ tem, quod ex Literis Principum tunc
„ cognoscent.

4. „ Oppida, quoniam Contributio-
„ nem Excelsæ Portæ præstant, alio one-
„ nere premi non possint, sed in ista liber-
„ tate conserventur, Reliqua hujus non
„ sunt loci.

In his sanctionibus, *Puncto 1. per Decimas*
Primipilorum, eæ intelliguntur, quas Pri-
mipili a vernis suis ac inquilinis, quibus erant
non pauci eorum præditi, exigebant, Primo-
ribusque Gentis, tanquam debitum pro ge-
stis muneribus salarium (Conf. infra §.
XXXII. not. 2.) administrabant: hæc ta-

32 CAP. IV. DE JURIBVS IMMVNITTIB.

men obligatio, uti contra libertatem Nationis invecta, brevi post sublata est.

4. Sed cave putes, Plebejos quoque continenter tributo subjectos fuisse. Nam, etsi illi, qui eorum a. 1562 libertate exciderant (§. XI.) ad an. 1599. quo immunitas eis restituta est, tributum non effugerint: ii tamen, qui ad servilem conditionem damnati non fuerant, nec eo temporis intervallo, nec ab a. 1602 ad 1658 contribuerunt.

Verum quidem est, quod postquam Turca censum Transilvanorum in triplum auxisset, statuebatur, in Dieta Mediensis d. 20. 8bris 1662 ut Sículus tam Libertinus, quam Subditus, licet id contra Libertinorum immunitatem nobilitarem fieret, teneantur tamen in extraordinariis contribuere, & qui boves habent quatuor aut plures, thalerum 1. qui boves duos, thal. $\frac{1}{2}$, seu unicum florenum, nulla autem pecora habentes quaterni thalerum 1. solvant: Verum hæc super illos Contributio tamdiu solum duret, donec a milite extraneo Patria liberabitur. Articulus Diætalís, vernaculo idiomate concinatus, sequens est:

*„Az Székelységen mind szabad és Jobbágy rend,
az kinek négy ökre vagy több vagon, adegyon
egy egy Tallért, az kinek két ökre fél Tallért,
vagy*

avagy egy forintot, az kinek semmi marhája nints, négy ember egy Tallért. Mivel pedig az Országnak ilyen rendkívül való szükségében és pusztult állapottyában Nemefsi Szabadságoknak sérelmivel kényszerítettnek mostan az adózásra lépni, Isten az Idegen Nemzeteket ez bazából kiűvén, adózással ujjahban ne terheltefsenek.

5. Recedente e Transilvania Turcico & similis furfuris milite, aliquot postea interjectis lustris, emanavit a. 1691. 4. Dec. memorabile Diploma Leopoldinum, cujus vigore (§. XXXI. immunes ipsi etiam Plebeji Contributionum declarabantur. Cui licet Diplomati firmiter iidem adhærebant; aliarum tamen Nationum sortem commiserantes, *fraterna caritate*, e, *maissa totius Tributi in se adsumserunt* rh. flor. 35000; *inclusis etiam*, qui sunt in *Sedibus Siculicis*, *Locis Taxalibus*. Ex *Art. Diat.* a. 1693. m. Dec. -- -- -- --. Ad extremum, bello Rákocziano a. 1711. extincto, publicataque *Amnestiali Gratia*, Mille omnis Siculus, ad œconomiam colendam dimissus: ac ex eo tempore Primipili juxta & Plebeji, iis etiam Locis quibus Militia Siculica limitanea a. 1764. erecta est, pendunt tributa.

6. Si qua ulla denique difficultas, ex Articulis Diætalibus, de solutis per Siculos Contributionibus, suboriatur; sciat, cui

84 CAP. IV. DE JURIBVS, IMMUNITATIB.

volupe erit, fuisse olim quoque non Primoribus modo numerosos sed & Primipilis non paucis Subditos (*Jobbágy*) ac Inquilinos (*Sellér*,) qui etiam *Terigenæ*, hung. *Földön lakók* audiebant,) e Comitatus Hungarorum adductos, vel peregrinis e regionibus admissos, censibus omni ævo obnoxios; fuisse item Oppida Taxalia tributaria: quorum pensiones nomine *tributi Siculorum* quandoque venire in comperto est. Sunt vero ejusmodi Oppida, *Kézdi-Vásárhely*, *Sepsi-Szent-György*, *Ilyefalva*, *Bereczk*, *Csik-Szereda*, *Székely-Udvarbely*.

§. XXXII.

5. Quod *Decimas Nonasque* ex agnis, porcellis, anserum pullis, apum examinibus; *Capetias* five gelimas (*Kalangya*) e sementibus, Imperanti haud præsent.

1. Primores & Primipili neutiquam, Pyxidarii vero fuerunt aliquantulo sub tempore, decumani, ut luculenter docent cum alia multa, tum Schæsburgi lata Decreta Comititalia a. 1562. Hinc natus est stilus Literarum Primipilarium, in quibus creati Primipili ab omni *Decimarum*, *Nonarum*, *Capetiarum*, & *Datiarum* pensione eximuntur. Decimæ agnorum in Conditionibus Principis Gabrielis Bethlen sunt interdictæ.

2. Tri-

2. Tributa, Decimæ, Nonæ, Capetiæque Subditorum & Inquilinorum, quæ tamen non semper exigebantur, cedebant Primoribus, veluti in solutionem: quum hi, sine pensione Imperantis, Magistratum gerere, Legationes obire, in Comitibus comparere, &c. consueti fuissent.

§. XXXIII.

6. Quod omnibus proventibus, intra terminos territoriorum suorum procreatis, quorum Sal præcipuum est, liberam fruendi habeant potestatem, insuper venatus, piscatus, educilli, &c., jure gaudeant.

1. Ex Decreto Comitali a. 1562 constat luculentissime Fodinas Salis antea in terra Sicularum nunquam ad Cameram Imperantis pertinuisse. Constat porro ex Articulis Dietalibus, Primoribus ac Primipilis, abinde quoque, ad initium labentis seculi, Sal e fodinis gratis concessum.

§. XXXIV.

Hæc & alia Jura ac Immunitates atque Leges quo sanctius custodirentur, tres Cautiones in rebus Sicularum ab

antiquo locum invenisseprehenduntur.

1.) Ut causæ, in facto hæreditatum, ultra valorem trium florenorum inter eos fuscitatae (servatis appellationibus solitis) in curiam Regiam, pro evidentiori discussione transmitti consueverint, *Decr. Trip. Part. 3. Tit. 4.* 2) Ut sancitum fuerit, ne causæ Siculorum coram solo judicio Militari, sed Capitaneo simul ac Judice Regio tractarentur. Vid. *Art. Diet. an. 1607. 8. Febr. 3.* Ut demum, sub Principibus Transilvaniæ res Siculorum sive bellicæ, sive civiles nullam vel minimam mutationem privatum, sed in Comitibus publicis, subirent; uti hoc per omnia passim Comitiorum Decreta elucet.

C O R O L L A R I A.

I.

Natio Siculica, in Terra sua, quam jure belli, obtinuit, Regibus & Regno Hungariæ est antiquior: ergo Nobilitatem suam, Juraque Nationalia non aliunde, quam a propriis virtutibus bellicis comparavit §. I. - VI. XXII.

II.

Fundato in Hungaria & Transilvania Popularem Regno non acte, sed

sponte se adnexuit: ergo Immunitates omnes Juraque avita merito sibi loco relicta sunt. §. VII.

III.

Hæc Natio seorsim ab aliis Populis Terram suam per aliquot seculorum decursum possedit ac tuita est; quare etiam Gentiles Officiales, tam Militares, quam Provinciales habuit: ergo sequentibus etiam seculis, merito Gentis suæ & sanguinis proprii Moderatoribus committetur. §. VI. XXV.

IV.

Respublica Siculorum, ita per longum illud temporis spatium, inter infensas sibi Gentes, statione sua perduravit, ut ex interioribus finibus Terram suam propugnaret: merito ergo, & ex pacto cum Imperantibus jure, intra ac ad limites Patriæ tutandos Miles Siculus reservari intelligitur. §. XIV.-XIX. XXVI.

V.

Effuso sanguine subactam Terram, sanguine itidem & armis, Nobilis Natio tuita est; atque igitur tributorum debuit esse, fuitque immunis: ergo juste Imperantes

